


2025

Siakwa kati wina
Kakamuk kati kat

Sabat Baibil Lisinka
Wahma an almuk klaska



1

Gaspel Sturka

Jan Ulbanka

Vol. 101, № 1

Siakwa katka wina Kakamuk katka kat, 2025

BILARA BA

L I S I N
L A L K A

"Gaspel sturka: Jan ulbanka"	wahia
1. Gaspel sturka: Jan ulbanka	5
2. Gad sipka lupia	10
3. Kenanra marit lilika	15
4. Jisas tempel watlara	20
5. Jisas an Nikudimus	26
6. Spirit holikira ayawiba	31
7. Jisas an Jan tatabra	36
8. Jisas an samaritan mairka	41
9. Misaniry kum aisubitakan	46
10. Jisas an king warkka tatakra	52
11. Jisas an betesda ra wakia lawan	57
12. Luhpia karnika briba	62
13. Jisas upla kwarara plun dadakan	67

Sabbath Baibil Lisinka, yu bani stadi takaia dukiara paskan sa, Baibil dfa aisi ba kat an Prapit aisinka sin Kau baha purara upla lukanka nani prakras. Text ka naniba prahni aisisa kuhku pali lukan ka lalba kat.

Pyuwa nani walara kau lukan ka ba kler sakaia dukiara buk wala nani ra aisikaikbia wisa. Man nûbas kau Baibil stadi munras kainara puram sunra daukaia sma ba, ba apia kaka man tanka brima apia.

Illustrations: RF 123 on front and back covers, p. 25; Map Resources on pp. 4, 46, back cover.

(USPS 005-118), Vol. 101, No. 1, Siakwa katka wina Kakamuk katka kat 2025. Ulbi sakisa kati yumhpa bani Adventist Serts ka kli raya takaia Asla takan ka ba mita, ai afiska tara nina ba makisa General Conference, Sabat Skulka Baiki sakanka wina.

Copyright © 2025

Ulban ba rait kaba Reformation Herald PubWishing Association, 5240 HolWisns Road, Roanoke, Virginia 24019-5048, U.S.A. Periodical postagepaid at Roanoke, Virginia 24022-9993.

● U.S.A. AND CANADA

Contact: Telephone 1-540-366-9400 * Fax 1-540-366-2814 *
Website: www.sdarm.org *
Email: info@sdarm.org

POSTMASTER, please send address changes to: *Sabbath Bible Lessons*, P.O. Box 132, River stone NSW 2765, Australia.

Ninam: _____

Prias watla: _____

Klas númbika: _____

TA BILA

Naha mani yawan stadtikan kabia kati yumhpa bani Gaspel sturka yamni Jan ulbanka. Jan witin mayunra briaia apia dukiara aininaba mankraskan naha ulbankara, Jisas disaipilka kum bakusin aisaras witin palisika pastaura Jisas nina blikanba. Jan1:37. Witin aisisa ‘disaipil wala’, ‘baha disaipilka’, disaipilka Jisas mita latwan kanba’, an disaipilkum Jisas wedniska aisiba’. *Jan 18:15;19:26; 21:20,23,34.* Jan, witin sika naha Gaspelka Sturka ulban sakuna ai ninaba yukukisa kan minit kumirasin brindaukras aimayunra briaia.

Wan lakra Ellen G. White ai ulbankara aisisa Gaspel Sturka Jan ulbankaba lika apastel Jan ulban, ‘Disaipilkum Jisas mita latwankanba’. Naha Jan ka Pita an Jems yumhpa sika il purara Jisas mawan ingni takan pyuara barakan kau waihla mihtara kauhraskan kainara. Jan raiakaba lika kler kaikisa nahki Spirit Holikira karnika mita witinra chens munanba ‘Alwani Luhpia’ wina Jisas luhpia takan.

Jan, witin Jisas ra alkan sin wain tnawa dusara iwiba baku. Jisas dukiara pruaiakatsin wilinkan, disaipil sut tilawina witin baman dusprigni minara wankata. Jisas raitiwina buan titankara witin kau karna plapiwan Pita ra sin wenmunan.

"Jan, nahki airaiaka aiska Dawan mihtara aimakanba aidaukanka, aiwapanka nanisutra yawan kaikisa lisan painkira kum Dawan sertska membarska kumi bani lantakaia nitba. Ao, taura lika Jan ai swapnika nani ailal brikan yawan kumi bani baku. Sakuna Spirit Holikira mita witinra waikna raia paskan. Taura prautkira, tara papulra, uba sipkira, tasba dukia lalihkra kataba nanara baha nani sut swin an Jisas wal talia takan. Jan an aimuihni Jems walra nina makikan ‘Alwani Luhpia’. Kan aidaukanka saura brikan, panamunaia laka brikan, nina aisanka an ban diara walasin. Jisas ra balan pyuara latwan lakawal Jan swapnika naniba tawa tawa Jisas mita wapnira manki brihwan. Lan daukan holi lakara iwaiaba"— *The Acts of the Apostles, pp. 539, 540.*

Baibil sturka ulbanka bukka nani mita aisisa Gaspel Sturka yamni Jan ulbanba lika witin pali mita ulban Jisas hevenra wan ninkara 90 mani luankan pyuara. Witinra ikaia traikaikan lat lukwikanra dinkan sakuna pruraskan. Baninkara patmus kikara lulkan bahara Param marikan bukka ulban.

Dawan Spiritka tambribia naha kati yumhpara stadi takaia.

Sabat Skul warkka dadaukra afiska lalka wina

Pas sabat kaliksanka

Skul watla an sika warkka daukaia watla makaia Paraguay Kuntrikara

Paraguay Kuntrika lika kabu muna America muna tanirasa, ai piarkika brisa Argentina kuntrika, Bolivia an Brasil kat yumhpa. Uplasut nahara iwiba lika milian matlalkahbi pitkasa, baha sutwina 96.1% kristian daknika nani, 88.3% lika kiatalik an 7.8% serts wala nani; las 2.6% lika prias kumira sin waras.



Paraguay kuntrikara lahla kau ailal baldimiba lika insla warkka wina, kau ailal warktakisoya nasla dauki, bawina nanarasin li wina lait briba warkkasindaukisa.

Adventist baiwitakanka daknika lika Hungria kuntrika wina balan kata 1940 mankara, kuna warkba kau tarapawan 1950 mankawina buk wahwitauki aiatkra nani balanba wina ban 1970 manka kat balan kata daktar nani sika lainkara warktaki daknika. Nanara yawan tawan tara banira wan priaska watla brisa, dakni painkum.

Paraguay kiapitalka Asuncion ra yawan sika warkka watlakum brisa pat mani ailal warktakisoba baha taka gospel sturka yamniba smalkanka ailal pawansa, tawan uplika nanira marikisa nahki wanwina tara an solka mainkaikaia siknis nani puraluwaia. Dawan kupia lakasa kaka yawan brinwandaukisa naha sika warkka watlana kau raia daukaia an kau ban drawi waia tawan tara bilarasin baku Dawan bila aisinka naniba upla bani kiamara brihwaia. Dawan wan winsa: Tawan tara nani bilawina taki banhs. Skul watla, sika watla maks tawan wina wihka pliska nanira.

Naha warkka daukaia dukiara pat yawan tasba pistarakum atkansa tawan tarawina wihkara 66 kilumita praiska brisa, pat bara yawan sika watla sirpikum brisa an warktakaia watlasin, nahasut lika takrikanka sirpikumsa. Naha kati yumhpa sabatkara man nani presantkam wal sipkabia kau taura brihwaia.

Muihkam an lamkra nani Paraguay wina

GASPEL STURKA: JAN ULBANKA


"Bila kataba upla takan, an bal wantilara iwan (ai glorika yawan kaikan, Dawan Aisa luhpia glorika baku), tingkika an kasakkawal aibahwan." Jan 1:1

"Kau tasba paskraskan kainawina Jisas lika Dawan Aisawal aslakan, witin upla baku tasbara balan pyuara diabakat bankan."— *Mensajes Selectos, p. 268.*

Kau aisikaikaia: *Patriarcas y Profetas, pp. 23-30; 89-94*

Sandi

Krismis kati, 29

 Baibil aisikaikaia ba: *Param marikan 22-23*

1. JISAS, DAWAN AISAWAL KUMI

- a. Jisas dukiara dia Baibilra ulbansa, witin kau uplatakraskan kaina wina? Jan 1:1,2.**

"Kau tasba paskraskan kainapaliwina Jisas lika Dawan Aisawal kumikan, "Dawan Aisa ilkika," aikarnika an aitarkika, "Ai mawan wina ingnika takiba," Wintin naha tasbara baliwan Dawan Aisa glorikaba wanmarikaia. Naha tasba saurka mita tihmia daukanbara Dawan latwanka ingnikaba bribal marikan, baku lika "Dawan yawan naniwalkan."."— *El Deseado de Todas las Gentes, p. 11.*

"Jisas, witin sika Bila kataba, Dawan Aisa luhpia waikna kumimanba patitarawina Dawan Aisawal kumiba, aidaukanka sutra, witin baman sipsa Dawan Aisa mawanra balaia."."— *Patriarcas y Profetas, p. 12.*

- b. Dawan Aisa an ensal nani sut mita nahki Jisasra kulkanka yabisa? Lawana nani 45:6; Aiseya 9:6; Hibru nani 1:3, 6–8.**

"Heven ensalka naniba lika Dawan warkka dadaukra, Dawan mawan wina ingnika takiba brihwisa. Sakuna Jisas lika Dawan Aisa luhpia, "Dawan Aisawal kumi." Diarasut paskan an alkibriba aibila karnikawal baman. Heven ensalka nanisut purkarasa."— *Patriarcas y Profetas, p. 12.*

2. TASBA PASKANBA

- a. **Tasba bilara diarasut baraba yâ mita paskan?** *Jan 1:3, 10; Kolosi 1:15–17; Hibru nani 1:2.*
-
-

"Kasbrika an tasbanasut Jisas mita paskan. Witin ai mihtawal tasba naniba paman apanistara bilara baku tarabasin, twibilara tangni naniba satkakat paskan. 'Il naniba aikarnikawal bapan'. 'Kabu ba Jisas mita paskan, Lawana nani 65: 6; 95:5. Jisas mita tasba pranawal banhkan an pasara lawana nani mankan. Tasba paskan dukia nanira, pasa minara ulban Dawan latwanka sturka yamniba."— *The Desire of Ages*, p. 20.

- b. **Aisas, naha tasbana an tasba wala naniba nahki paskan?** (*Lawana nani 33:6, 9; 104:1–6.*)
-
-

"Dawan aisan, an aibila karnikawal tasba bilara diara nanisut paskan. Paskan dukia naniba lika Dawan mita yusmunisa witin aikupia lakaba kat daukbia dukiara."— *The SDA Bible Commentary [E. G. White Comments]*, vol. 1, p. 1081.

"Dawan tasbana paski tnata alkan pyuara prana painkira palikan. Twi, unta bakusin il sirpi nanisin barakan, baha bilara tingni lupia an lakun sirpi sin bara kan. Il tara albanhka, swamp tarka nanisin apukan naiwa yawan kaikiba baku. Walpa naniba tasba muhtara yukuki swinkan. Untara dus satka satka barakan an tangni paikira nanisin baku. Heven ensalka nanisut mita uba painkira baku kaikikan Dawan mihta warkka nanira."— *Patriarchs and Prophets*, p. 44.

"Baibilra aisaras naha tasbana mani ailalra banwina tawa tawa baltakan dukiara wisi. Dawan ai mihta an aibila karnikawal yu matlalkahbi pura kumira (7) ra tasbana paskan. Yukumba takrikan yû dimanbawina yu walakat (tihmia an titan) yukum tnata alkan banira dia warkka daukanba dukiara Baibilra ulbi swinsa."— *Patriarchs and Prophets*, p. 112.



3. TASBA AISKA INGNIKA

a. Yâ mita raiaka an ingniba daukan, nahki helptarasa yawanra? *Jan 1:4-9; Sturka nani 17:28.*

"Jisas, witin pali sika patitara wan almuka nanira aisankanba. Witin aimawan ingnikaba tasbara diara bara nanisutba baha ingnika wina brisa tasba sinskirka tara nanisutba Jisas wina sinslaka brisa."— *Education, p. 73.*

"Jisas, witin sika ingnika painkira tasbara balanba. Jan 1:9. Jisas ku baman uplasut raiakaia lakaba brisa wan winka puhbraba an bakusin ingnikaba yawan kumi banira wankansa."— *Education, p. 29.*

"Dawan karnikaba kau takaskras naiwakatsin banwarktakisa paskandukia nanisutbara witinmita alki brisa. Wan winka pubra, wankupia dikwiba ban yakan selp aikarnikawal apia. Yawan uplaba raiasa kan Dawan mita wanwinka pubraba alki brisa. Daiwan kau sirpilupiawina yawan uplakat wan raiakaba Dawan mihtarasa.

"Tasba uplika sinskira tara naniba lukisa an aisisa paskan dukia nanibasut yakan selp aikarnikawal naiwakat kau warktakisa, sakuna bahasut lika setan kuninka laka. Dawan mawan ingnikaba plis sutra barasa sakuna witin yawan baku upla, Baibil wanwisa waikna an mairin walsut Dawan aililkakat paskan, an Jisas balanbawal yawan kler kaikisa witin uplakumba tanka."— *Education, p. 131.*

b. Witin selp aidukiara Jisas dia aisan? *Jan 9:5; 8:12; 3:19; 12:46.*

"Jisas aisi nan wisata: 'Yang sika tasba ingnika', Jisas nahara witin kler aisan Mesaia kum baku. Prapit almuk Saiman mita Jisasra blis munata pyuara witin naku aisan: 'Ingnika kum tasbara an Israelra sin baku'. Luk 2:32. Naha aisankawal Saiman klermunikan Jisasba Mesaia kanba tanka. Prapit Aiseyak pat kaina manas Spirit Holikira naku aisankan: yangna lika sirpisna Jakob kiamka tilara Israel luhpia yuika naniba swaki sakaia dukiara. Sakuna Dawan mita aiwin man ingnika kum kama tasbara Aisya 49:6. naha prapitka ulbanba lika Mesaia dukiara aisikan, ba mita Jisas aisi wisata: 'Yang sika tasba ingnika' "— *The Desire of Ages, p. 465.*

4. DAWAN YAWAN NANIWAL

- a. **Prapit Aiseya dfa aisankan Jisas nina dukiara?** *Aiseya* 7:14.
Ahkia baha aimakan? *Matyu* 1:21,22.
-

"Jisas upla baku naha tasbara balanba mita yawan nusa witin wan traika naniba nusa. Adam kiamka nanisut yawan nusa Jisas lika wanpanika painkira kumsa. Gaspel sturka yamni smalkanka naniba sutra yawan kler kaikisa Dawan wantilarasa ban saurkara kahwan wisi lulki wanswiras."— *The Desire of Ages*, p. 24.

- b. **Dia Jisas daukan upla kahwanba wina bukaia dukiara?** *Jan* 1:14; *Pilipai* 2:5–8; *Hibru nani* 2:14–1.
-

"Jisas daukanka naniba kakaira takbia dukiara witin upla tnatkara tasbara balan, wantilara iwan an wan trabilka nanibak witin luan. Ao Dawankan sakuna upla takan, Dawanra lika sip yawan kaikras sakuna Jisas uplatakanba mita sipkan witinra kaikaia. Yawan diara tanka tihura naniba Jisasku sipkan lantakaia. Heven tanka yawan sip brirasba Jisas mita wanmarikan witin bahawina balanba mita."— *Christ's Object Lessons*, p. 17.

"Jisas upla baku tasbarakan pyuara setan mita witinra tnatka ailalku traika kaikan. Tahbi takanba ninkara Spirit mita twilawanra brihwan kau spirit ra paubia dukiara sakuna setan bahara traika kaikan kata. Jisasba kahwaia sipapiakan satkata setan aitaimka tiki Jisasra traika kaikaia apiakan. An sipapia kaiakan wan muihni baku wan trabilka naniba tanka briaia. Jisasba patran painkira kumsa yawan kumi banira witin nahki puraluanba baku yawan sin sipsa pura luan kaia."— *The SDA Bible Commentary [E. G. White Comments]*, vol. 5, p. 1082.

"Jisas witin ao Dawankan sakuna upla baku takan wan swapnika nani twilkan, setan mita witinra traika kaikanka tara bribalan batakaia dukiara sakuna Jisas witin Dawan Aisa mihtara karna alki brikanba taka sip kauhraskan. Sin tnatkara yawan kumi bani sipsa Spirit Holikira karnikawal waihla saura wan traika bribaliba naniwina puraluan kaia."— *Ibid.*, pp. 1081, 1082.



5. DIA MUNI JISAS UPLA TAKANBA

- a. **Upla helpkara Jisas dia daukaia balan?** *Jan 3:16, 17; 1:12; Luk 19:10.*

"Yawan upla klala briaia kanba Jisas brin, baku lika sipkan yawanra swaki wansakaia. Wan saurka dukiara dusprignira witin pruan, ao witin lika saura kumisin daukraskan baku lika sipkaiakan wan helpkara aisaia. Yawan pruaia kataba wan pliskara witin pruan baku lika raiabankaia lakaba wankaia dukiara."— *The Desire of Ages*, p. 25.

- b. **Jisas sakripaiska taka nahki kli wanbukansa?** *Galisan 4:5–7; Hibru nani 2:10*

"Jisas sakripais tara daukanba purkara wala apu, Adam kiamka nani sutra saurka albika lakawina swaki sakaia ya uplika aikupia laki tawi Dawanra balbia naniba, an kauban Lâ kriki kabia apia, sakuna padin makabia an nanarawina taura bilawawalra baku kabia. Jisas lika wan kiptinka witin tasbara upla baku balan an airaiaka paliwal patran painkira kum wan marikan nahki bilawalaiaba an Dawanwal asla iwaiaba. Wanpura sunraba karnika tara brisa an wan sinskara helpmunisa aihwaki kaia wan aisanka, wan daukanka nanisutba kasak kabia dukiara."— *Testimonies for the Church*, vol. 2, p. 664.

"Jisas yamni kaikisa ailuhpia nani bilawawalra naniba, an witinwal kakaira takan naniba, selp aiwina brinkakat wataukrasba sakuna ai raiaka aiska Spirit Holikira mihtara mankan an kasakka lakara iwi naniba." — *The SDA Bible Commentary [E. G. White Comments]*, vol. 6, p. 1077.



MAKABANKA LUAN NANI BA LAKI KAIKS

1. Kau tasba paskras kainawina Jisas nahki kan?
2. Yâ mita heven naniba paskan an tasba plamaika bapan?
3. Ingnika rait aihwaba yâ wina balisa?
4. Prapit Aiseya mita Jisas ninaba dia makisa, Aiseya 7:14 ra?
5. Jisas upla tnatkara tasbara balan pyuara witin dia takan?



GÂD SIPKA LUPIA

"Trabil an rausauhkanka ailal tilarakan sakuna sturi aisaras; siplupia baku ikaia watlara brihwan; taya takbi pliskarakan sakuna aibila prakan diara aisaraskan." *Aiseya 53: 7.*

"Saurakira aikupia lakanba ainakra kaikbia Dawan sipka lupia, tasba saurka brihsakibara."— *The Faith I Live By, p. 107.*

Kau aisikaikaia: *The Desire of Ages, pp. 132–143.*

Sandi

Siakwa kati, 5



1. JAN TATABRA WEDNISKA

a. **Jan tatabra dia wedniska aisan Jisas dukiara?** *Jan 1:15–18.*

b. **Serts ta uplika nanira Jan tatabra selp aidukiara dia aisan?** *Jan 1:19–23. Dia prapit aisanka aimakan, nahki yawan bahawal aslasa?* *Aiseya 40:3–5.*

"Patitarawina Dawan ai uplika nani brisa witin aiwarkka dauki taura brihwaia dia aisanbakat kau puraprakras ar dakbisin sakras. Jan tatabra kau aiyapti biararakanba wina pat Dawan mita wahbi sakankan an warkka yabankan dia daukaiaba.

"Jan tatabra warkkaba dukiara patitarawina pat prapit aisankan an bakat aimakan kata."— *The Southern Watchman, 21 de marzo de 1905.*

"Dawan mita Jan tatabra dia smalkaiaba yaban. Serts tauplika nani aowibia kaka lika walraskan, ar gabamint kupia lakasa sapa sinapia. Dawan Spiritka Holikira mita Jan tatabrara landaukan an tabrin dia warkka daukaiaba. *Aiseya 40:3-5.* Naha sin smalkankana naiwa yawan laspyuara iwinanira yaban kaiasa. 'King aulaba yabalka klin dauks plakinkaba purara buks walpa naniba yabalbilawina saks, japanbawina mahka rawibus wâr kwalkaba dims waihla saura mapara aiklabaia an wan sinskara diara kumi briikaiaba lika Jisas karnikawal puraluwaia."— *Selected Messages, bk. 1, p. 410.*

2. SAKRIPAIS WARKKA KUM

- a. **Jisas tahbi takan pyuara, nahki Jan selp aidukiara aisan?** *Jan 1:29, 34. Dia prapit aisanka aimakan?* *Aiseya 53:4–7.*
-

"Jisas, witin sika upla swaki Sasakra kau tasba paskraskanwina pat riditakan baha warkkaba daukaia. Pyuaba aimakanra witin balan upla tnatkara, naha smalkanka painkira lika Adam, Set, Enok, Matusalen an Noa pat smalkankan. Ebrahim mita kenan uplika nanira smalkan Lot mina Sadam Gomara uplika nanira smalkan. Egip wina Israel luhpia nani alba lakawina sakan pyuara twi biarara sin smalkanka landaukan. Ninkara Jû nesanka bilara wark nani sutba baha smalkankara marikikan. Tempel watlara sakripais daukikan nanibawal marikikan yukum Jisas balankabiaba. Sip lupia nani ikitanba lika Jisaswal prakankan."— *Christ's Object Lessons, p. 126.*

- b. **Jisasra nahki marikan Jan ai disaipilka nanira?** *Jan 1:35, 36. Jan ai disaipilka nani raiakara diatakan?* *Jan 1:37*
-

"Jisas tahbi sakan ninkara pat yu wal luankanra Jan tatabra kli Jisasra kaikan baha minitkara Jisas mawanba ingnitakan. Bara Jan tatabra naku aisan: 'Kaiks Gad Sipka lupia'. Baha lamara disaipil wal buikanba kupia tatatwan ao diarasut lika kau aitanka briraskan. Dia tanka Jan tatabra mita Jisasra wisataba 'Gad Sipka lupia'. Ao Jan mita uplara naha tanka sitnika wiraskan. Bara disaipil nani wal kataba Jan tatabrara swisi Jisas nina blikan."— *The Desire of Ages, p. 138.*

"Jan tatabra mita aidisaipilka nanira win Jisasba Mesaia balaiakanba tasba swaki sakaia. Witin nanira wisata Jisas nina blikbia dukiara smasmalkra tarakum baku. Ao, Jan tatabra raiakaba lasra sari takisa aipruanka tnatkabawal, witin sin tukin nani ailal Jisas daukanba kaikraskan. Jan tatabra witin pat nukan Jisas warkka takrikbia pyuara witin pruaiakanba. Jan lika twi biarara takaskikan yakan, tawan bilara balraskan ai pamali nani tilara kan kau tara kaikikan witinra wark Dawan yabankanba dauki tnata mankaia."— *Early Writings, p. 154.*

3. JISAS DISAIPILKA NANI PASKANBA

- a. **Jisas disaipilka nani paskanba ya nanikan?** *Matyu 4:18,21.*
Dia lukankawal balan an nahki takaskan? *Jan 1:38,39.*
-

"Andres witin lika Saiman muhnikan an walaba lika Jan, nahawal pastaura Jisas nina blikan. Diara kumi mita sin witin nanira alki takaskraskan Jisas nina blikan, brindakukan Jisaswal aisaia sakuna sibrin blikan an bansin aikupiaran lukikan 'Witinkana pali Mesaia sa ki?."

"Jisas pain nukan naha waiknikawal ainina blikikanba. Witin nani Jisas smalkankara kasak luki nina blikan, Jisas uba lilia aidarawalan. Sakuna aikuki aimanka takan pyuara makibiwalan: Dia plikisma? Witin nani wina walaia wantkan aibrinka dukiara aisabia.

"Diara kumi baman witin nani aisinskara blikan. Jisas mawan ingnikabawal aisinska banhki daukan. Bara aisan: 'Smasmalkra, anira dimisma? Aisanka kunhku kum yabal bilara daukan, witin nani dia wantkanba briraskan. Aibrinkaba lika Jisas minara iwi aismalkanka walaia.

"Andres an Jan wal witin nani Jisasra kasak lukraskan satkata bal aiminara iwi smalkanka naniba walikaia apiakan. Jû uplika ailal serts taurakan naniba kasak lukraskanba baku. Sakuna Andres an Jan wal witin nani Jan tatabra smalkanka walikan an Jisas tahbi takan pyuara sin barakan. Spirit Holikira kupiara kanban taim isti ansa munan kasak lukan an Jisas nina blikan, ao minitkara kau diara ailal aitanka briras kan sakuna dia walanba purkara kau diara tara wala apukan." — *The Desire of Ages, pp. 138, 139.*

- b. **Disaipil nani dia daukan Jisasra kakaira takan ninkara?** *Jan 1:41, 42.*
-

"Andres aikupiaran lilia blikanba sip alki takaskraskan. Witin wan bara aimuihni Saiman ra aisi wisata: 'Mesaiaba yawan sakan'. Saiman naha walan pyuara istipali aiminara buan kli wibia bila kaikraskan. Kan witin pat Jan tatabra smalkanka walikan Jisas dukiara." — *The Desire of Ages, pp. 138, 139.*



4. WAIHLA LAKA KRIKAN

- a. **Aisas diatakanba disaipil walakumra ainina blikbiawin pyuara?** *Jan 1:43–45.*

"Pilip, witin Jisas winanka walan, sin minitkara Jisas disaipilka takan. Pilip mita Natanilra winan."— *The Desire of Ages*, p. 139.

- b. **Yawan dia lantakisa Natanil namhpa lukikanra nahki Jisas puraluan?** *Jan 1:46–49.*

"Natanil mita Jisasra kaikan pyuara witin uba pain aidara walraskan. Ban naku aikupiara lukan. Naha waiknika umpira warktakra kumba sipkabisasi Mesaia kaia? Sakuna, Natanil ban isti lika apia wiraskan, witin Jan tatabra smalkanka walankan Jisas dukiara an baha pyua witin kasak lukan kan.

"Pilip mita Natanilra winan pyuara witin unta pis sirpikumra aipura sunaia wankan Jan tatabra smalkanka an prapit nani ulbanka tanka laki kaikaia Mesaia dukiara ulban naniba. Dawanra aipura suni makaban Jan tatabra smalkiba raitsa kaka witinra marikbia, Spirit Holikira mita aisinska nakra kwakan aitanka bribia dukiara.

"Jisas ansa muni naku wisata: Kau Pilip maiwinraskan kainara, kwah damni dusa muhtara katmara mai kaikri.

"Dawan Spiritka mita Natanil purasunra ansika yabataba sin sturka Jisas mita wisata kau Pilip maiwinraskan kainara kwah damni dusa muhtara katmara mai kaikri. Ao, Natanil minitkum ban namhpara lukan, sakuna Jisasra balan brindaukikan diara kasakba tanka briaia. Jisas wal aisan ninkara wisata: 'Man lika Gad luhpia, Israel Kingka

"Natanil, witin pris nani bilawalankan satkata Jisasra kakaira takaia apiakan, sakuna aipura suni Dawanra makaban witinra kler munbia raitpali Jisasba Mesaiasa sapa.

"Pasin tara nani smalkankara kau tara kulkisa pyuara sip Spirit wan tabriras, Natanil kata baku selp wanpura suni Dawanra makabaiasa wan sinska nakra kwakbia bara wan tanka briaia diara kasakkaba tanka. Spirit Holikira wanpura sunra ansika wankbia an diara kasakba tanka wanmarikbia."— *Ibid.*, pp. 139–141.

5. HEVEN KWAWAN**a. Natanilra Jisas dia pramis munan dia muni? Jan 1:50, 51.**

"Jan 1:50,51 ra ulbansa: 'Jisas jardan awalka unrakan tahbi takanba ninkara bahara hevenba kwawan, bara Spirit Holikira baliwan butku kum tnatkara. Baha sainkawal wan marikisa Jisas, ba Gad luhpiakanba dukiara. Ya ya witinra kasak lukbiaba raiabankaia laka brinkabia. Man raiakamra hevenba kwaubia an kli praubia apia heven ensalka nani yu bani baliwisa blisin ailal bribalisa ya Jisasra kasak luki bilawali nanira."— *The Desire of Ages*, pp. 142, 143.

b. Jisas ra kasak lukisa pyuara wan raiakara dia takisa? (Jan 4:14; Param marikan 22:17.

"Dawan bila kasakkaba uplakum raiakara iwisa pyuara aidaukanka, aiwapanka, aisturka naniba sut satwala takisa, kainara ban tanisramankanba nanara witin klin, holi lakara wataukisa minit kumirasin kau kainara iwikan tnatkara wataukras. Kan Spirit Holikira mita paskanka raiakum daukansa bara yu banira kau pawisa heven suliarika kum baku.

"Dawan karnika brisa upla swaki sakaia witin yakan upla helpka nitapia, sakuna aisinska laka an ailatwanka lakara aitani kaikisa yawan kumi bani wan walka dukiara warktakbia bara hevenra wabia pyuara liliaka tara yawan bribia wan warkka daukan taka wan uplika swakwi takan naniba kaikbia pyuara."— *Ibid.*, p. 142.

MAKABANKA LUAN NANI BA LAKI KAIKS

1. Dia muni Jan tatabrara twiura winan?
2. Wan raiakara nahki Jan tatabra iwanka baku iwi lantakaia?
3. Jan an Andris wal Jisasra kakaira takanbawina dia lantakaiasa?
4. Natanil taura aisankabawina yawan dia lantakaia nitsa?
5. Nahki sipsa nutakaia kasakki lakaba rait aihwasa sapa?

**KENANRA MARIT LILIKA**

"Dia witin maiwibiaba sut dauks." Jan 2:5

"Kli yabal wapnira bribal mankaia warkkaba Jisas takrikan upla nitka nanira helpmuniwal."— *The Desire of Ages*, p. 150.

Kau aisikaikaia: *The Desire of Ages*, pp. 144–153;
Messages to Young People, pp. 403–418.

Sandi**Siakwa kati, 12**Baibil aisikaikaia ba: *Blasi sturka 40-42***1. JISAS AIWARKKA TAKRIKANBA**

a. Jisas tasbara balanra anira aiwarkka takrikan? Jan 2:1, 2.

"Jisas tasbara aiwarkka takrikan pyuara Jû priaskawatla tauplika nanira adar sakraskan. Galali tawanka sirpi lupiara pamalikum marit takikanra balan an bahara aikarnika marikan. Baku tnatkara witin upla yamnika liliakabia plikiba param sakan. Twilawanra lika trabil ailal aipurara balan waihla sauraba mita traikakaikan sakuna puraluan. Bahawina balan uplara blissing yabaia dukiara, an holi lakara iwaia lakaba marikan upla nanira."— *The Desire of Ages*, p. 144.

b. Marit lilika kau tnata alkras kainara dia takan? Jan 2:3.

"Mery brindaukikan Jisas mita upla nanira marikbia witin Mesaia kanba tanka. Bilakaikikan bahara Jisas tukin tarakum daukiwal klertakbia barakan uplika nani mawanra.

"Baha pyuara iwikan uplika naniba aitnatka brikan marit takaia lilikaba wik aiska dauki kaia. Baku lika plun an wain naniba ailal rididauki brikaikikan. Kau marit liliaka wik ka bilara danh takraskanra nutakiakawan wain ba pat danhtakan kanba. Bara uplasut sari an namhpara lukan. Marit lilika kumra wain danhtakaiaba aitani apiakan. Paiwan uplika nanira kanbi mahkawas wisa baku wal kulkikan."— *The Desire of Ages*, p. 145, 146.

2. JISAS AIYAPTIKAWAL

a. Jisas yaptika dia aisan, an dia ansika brin? *uan 2:3, 4)*

"Jan 2:4 bara ulbansa Jisas ai yaptira ansa munanba, baha lika respek munras tnatkara apiasa. Kan baha pyua daukanka nanibawal bakukan Jerusalem ra iwi uplika nani. Baku tnatkara marikikan uplika makabi dukiaba witin bilawali daukaisa. Jisas raiaka naha tasbarakan pyuara witin patitara aisan dukia naniba bahakat wapikan an kulkanka tara yabikan ai Lâ ka bilara ulbanba baku: 'Aisikam an yaptikamra kulkanka yas'. Impakan sturka 20:12. Dusprignirakan taim Jisas aiyaptika helpkara disaipil Jan ra makaban tabaikbia dukiara."— *The Desire of Ages, p. 146.*

b. Jisas yaptika mita dia win tibilra plun kahbi nanira, nahki sin baku yawanra wan aisisa? *Jan 2:5.*

"Jisas nina blablikra kumi bani airaiakara marikan kaiasa Dawan bila kasakkara iwiba tanka, pana pana ai walka aikuki latwan lakara iwikaia selp wanwinakat baman lika kaikaia apia. Dawan mita ai blisingka wankbia wan muihni nani aikuki sermunikaia lantakaia wan nitka nani tilara. Spirit Holikira mita sinslaka an karnika wankbia nahki trabil nani briba puraluwaia. Dawan bilara diara aisan naniba bilawalaiasa an wan raiaka palira wednis painkira kum kaiasa wan kaiki naniba nakrara. Ao, wan watlabilara wain danh takbiakra witin wanwibia dukiaba daukaiasa. Jan 2:5."— *Testimonies for the Church, vol. 6, pp. 414, 415.*

c. Jisas mita diadaukbiawin tibilra plun kahbi nanira? *Jan 2:6-8.*

"Durdimaia lamara bukit walpawal paskan matlalkahbi (6) barakan lî upla bribia dukiara, Jisas mita plun kakahbra nanira adar yaban bukit naniba lî banhkbia. Witin nani Jisas bilakat wali diawinba kat daukan, ninkara Jisas mita wisata kapkumra saki marit lilika tabriba uplikara brihwas, pat wain takankan."— *The Desire of Ages, p. 148.*



3. JISAS WAIN DAUKANBA

- a. **Wain tibilra kahban pyuara marit lilika tabrikanba dia aisan?** *Jan 2:9, 10.*

"Jisas liwina wain daukanba bribalan pyuara marit lilika tabrikanba aibilakum dihkaikan bara nutakan naha kaupainkanba tanka wain wala nani pastaura yabankan nanibawal purkara, satwala kau pain an kau auhnikan." — *The Desire of Ages, p. 148.*

- b. **Jisas wain daukanba diasatkan?** *Aiseya 65:8.*

"Marit lilikara Jisas wain daukanba lika patrankumkan witin pali aitalia dusprignira laikaikanba upla swaki sakaia dukiara, wainkaba swahraskan sin wain dusa mâ wina minitkara taibisikan pitka, bansin wisata: 'sauhkpara, kan bahara blising ailal barasa'. Aiseya 65:8.

"Jisas wain dauki marit lilikara yabataba lika swahraskan auhni klin an lî din wandauki taim daskiba baku. Jisas wantkan wan patapira an diara yawan dî dukiaba painkabia." — *The Desire of Ages, p. 149.*

- c. **Dia Baibil aisisa wain swahwan dukiara?** *Sinslaka 20:1; 23:29–35*

"Jisas, witin pali mita Testament Almukra Israel luhpia nanira kupia krauki wisata: 'Wain swahwi tahpla takan laya diaiaba aitani apia kan upla sinskara sauhkisa. *Sinslaka 20:1.* Baha mita Jisas marit lilikara wain daukanba swahwi tahpla takan apiakan. Setan mita waikna an mairin nanira traika kaikisa kan witin dia plikiba lika upla sinskara sauhkaia bara Spirit Holikira sip uplikara warktakbia apia dukiara. Jisas witin balanbawal gospel sturka yamni bribalan waikna an mairin kahwanbawina kli bukaia. Setan mita Jisas ra twi biara plunwal traika kaikan, Jan tatabrara kau aisubras kainara Dawan mita yaptika an aisikawalra kler wisata diasat pata tuktanra dakakan kaiaba. Kan plun ban tanis piaia an laya tahpla diaiabawal setan waikna an mairin ailalra batakisa" — *The Desire of Ages, p. 149.*

 Baibil aisikaikaia ba: *Blasi sturka 49-mpakan sturka 1*

4. JISAS PATRANKA LILIA DAUKI PYUARA

a. Jisas wain daukanbawina dia yawan lantakisa? *Jan 2:11.*

"Jisas witin Dawan baku pain nukan nahki tnata pyuara iwi uplika naniba wain swahwi tahpla takan an plun piawai setan mita sinska sauhki saurka albikara brikabiaba, sin Noa yuara kata ba baku. Baha mita witin naha tukinka daukiwal marikan galali tawanka sirpi lupiara marit lilika daukata pyuara. Dawan dia brin daukiba lika waikna an mairin nani kahwanbawina kli bukaia sinska an winatara yamni kabia heven suliarika takaia. Sakuna setan plikisa nahki muni uplaba kau kunin muni ai albika lakara ban brikaia, laya tahpla an plun inipas paiaia satkabawal."— *The Signs of the Times, 16 de abril de 1896.*

b. Jisas daukankawina nahki yawan reslaka an satispais sipsa sakaia? *Matyu 11:29.*

"Upla kahwanbawina kli buki wapnira mankaia warkkaba lika aslasa winatara saunkawal. Ao, Dawan Lâ ka Matawalsip bara kulkanka tara yabikan sakuna parisi nani sin lakara satwala daukan ba maparakan, baku lika Jisas traikaikan Lâ tankaba kasak uplara yaka lantakaia ban purak purak lika apia. Baku tnatkara Jisas galali tawanka sirpi lupiara marit lilikakumra balan, upla nani barakan nanira landaukaia."— *The Desire of Ages, p. 150*

"Upla selp aimayunra plikiba Jisas yamni kaikraskan sakuna upla aikuki aslatakaia lihkikan. 'Uplakum aiwatlara Jisasra paiwisa taim witin liliakira wikan, mawanka kulkraskan lahlakira, umpira, skul diman ar skul dimras sa sapa. Uplasutra wantkan helpmunia saurka albika lakawina prisakaia dukiara. Ao, baha pyuara an naiwarasin marit lilika ailal daukisa pyuara lahla ban bahkira tikisa, baha lika Jisas yamni kaikras, witin brin daukisa umpira tnatkakat diarasut pitkakat marit lilikaba daukan kaia. Waikna an mairinwal marit sakaia lakaba lika Jisas mita tasba paskan pyuara bapan, Adam an Ev walra marit saki Idin kiadinra mankan an bles munan kata."— *The Desire of Ages, p. 150, 151.*

**5. NAHKI AITANISA PAMALI LILIKARA KAIA**

- a. **Jisas patrankaba nahki satwalakan parisi nani daukankawal?** *Sinslaka 18:24.*

"Jisas warkkaba wihki Jû tauplika nani warkkawal satwalakan. Jû nani mita kulkanka tara yabikan ai almuka nani smalkanka dukia naniba an prias daukikan sakuna purataia bamankan, uplara yaka selp lukaiaba adar yabraskan. Witin nani sibrikan kiamka walawal mikstakaia. Baha taka mita kiamkawala naniwal prauraskan an selp Jû uplika nani paliwalkatsin aslatakraskan. Selp aiwinakat baman kaikikan upla umpira nani helpkara diara daukraskan." — *he Desire of Ages, p. 150.*

- b. **Pamali lilika tilara dia wansinskara brikaiasa?** *Sinslaka 11:30.*

"Wan sturka aisanka painkira kaia sipsa, sakuna wan daukankawal marikras kaka bahkira bamansa. Kristian raitkum Spirit Holikira mita paskanka raia daukanba ai aisanka an aidaukankawalba sin dukia kaiasa, witin plikisa nahki aiuplika walara helpmunaiia, sip yawan wiras yang Jisaswal aslasna sakuna ai uplika wala helpkara diara daukras kaka. — *El Deseado de Todas las Gentes, p. 298.*

"Jisas wedniska kasak kum kaiasa kaka Spirit Holikira mita sinslaka an karnika wankan kaiasa, waikna an mairin raiakum wan daukanka almuk sutba wina pritakan kaiasa. — *The Adventist Home, p. 428.*

**MAKABANKA LUAN NANI BA LAKI KAIKS**

1. Aisas Jisas kenanra tukin daukanba taka nahki upla kasak lukan?
2. Jisas nahki witin ai yaptika Mery ra kulkanka yabikan?
3. Marit lilika tabrikanba nahki witin ta iwan wain kaikan pyuara?
4. Diasat wainka tibil pyuara yabaia aitanisa Jisas taliawal pakanba?
5. Pamali lilika tilara dia wansinskara kaiasa Jisas daukanka wina?

Baibil aisikaikaia ba: *Impakan sturka 29-31***JISAS TEMPEL WATLARA**

"Dawan lika ai tempelkarasa; tasba aiska saptakbia aimawanra." *Habaku 2:20.*

"Prias watla bilara aula uplika naniba bawikira an kulkanka tara yaban kaiasa."— *Testimonies for the Church, vol. 5, p. 494.*

Kau aisikaikaia: *Testimonies for the Church, vol. 5, pp. 491–500.*

Sandi**Siakwa kati, 19**Baibil aisikaikaia ba: *Impakan sturka 11-13***1. PRIASWATLA TASKI DAUKAN**


- a. **Aisas Jisas tasbarakan pyuara priaswatlaba nahkikan?** *Jan 2:13, 14*

"Jû uplika kumi bani purara kahbankan mani bani ai lal mana wisi aibapaia 'sol swaki sakaia'...bawina diara walaba upla bani aikupia wilinkira aipresentka bribalikan priaswatla kukanka watlara. Baku sin kuntriwala lahluka bribalbiasa kaka chensmunikan priaswatla lahlukara nina makikan tempel lahluka, tentwatla warkka daukaia dukiara yusmunikan. Lahla chens munikanba tilara implikan barakan, baku lika baha tnatkaba taski an swira laka bisniska kumkan, lahlikaba lika pris nani pakitkara takaskikan.

"Daiwan atki barih an upla walara atkikan naniba mana tara kulkikan, bara dia wentakiba pris an gabamint uplika nani aikuki sermuni brian."— *The Desire of Ages, p. 155*

- b. **Priaswatla warkkara nahki sauhkan?** *Ezekiel 22:26.*

"Ensal luan lilika daukikanba pyuara sakripais ailal pali daukikan. Baku lika lahla tara tempel watlara dimikan. Sakuna upla ailal daiwan bribalikan: sip, guts, bipbul an daiwan walasin, baha nani daiura muhban binkaba tarakan, bara upla aipura sunaia balan naniba sinska saura daukikan, lahla mâ binka an unsaban lakasin barakan aiatkra nani pana pana aitolak lahla dukiara."— *The Desire of Ages, p. 155.*

 Baibil aisikaikaia ba: *Impakan sturka 14-16*

2. DAWAN WATLARA KULKANKA YABAIA

- a. **Dawanra mayunra yabi pliskaba nahki witin kulkisa, Saina Ilra dia adarka yaban?** *Impakan sturka 3:1-5; 19:12, 13*
-

"Saina ilra Dawan baliwan aimawan ingnika barakan, baha pliskaba holikan. Baku lika ani pliskara Dawan mawan ingnika barasa kaka pliskaba holisa."— *The Desire of Ages*, pp. 155, 156.

- b. **Jisas dia daukan tempel watla taski kaikan pyuara?** *Jan 2:15, 16*
-

"Jisas jû nani tempelkara baldiman pyuara diara atkikan naniba kaikan kasak kat daukras kanba. Upla umpira nani sari brianba, sip iki sakripais daukras kaka witin nani padin briras kabiaba aisaurka naniwina. Tempelka lata tanira lika markit saurakan. Bara priaswatla kataba taski daukikan. ."— *Ibid.*, p. 157.

"Tepsku Jisas baliwan tempel watlara siliukum aimihtara brianba purara bukan an wisata diara aiatkra naniba takiwabia priaswatla wina. Kau kainara Jisas nahasat daukraskan, aiatkra nani tibilka makupan bara lahla nani tasbara yakawan. Upla kumisin Jisas mapara diara aisaraskan, an takaski ai lahlika yakawanbasin wahbraskan. Upla kumirasin Jisas mita siliuwal wipi latwan lika yabraskan, sakuna aimihtara siliu brianba kaikras kaka surd malikira kum bakukan. Priaswatlara warktakinan nani, pris an daiwan aiatkra nanisut plapi bahwan kan witin nani sibrikan apurara trabil balbia."— *Ibid.*, p. 158.

- c. **Dia tanka Jisas tempel watla klin daukanba?** *Malakai 3:1-3*
-

"Jerusalen tempelka nahki taski daukan kanbawal marikikan baha pyua Jû ka uplika nani kupia nahki taski kanba. Baha baman lika apia sakuna naiwasin yawan nani wankupia nahki taskibriba. Jisas naha daukanbawal marikaia wantkan nahki witin upla kupia klindaukaia wantkanba saurka albika taskikawina, prisakaia an heven suliarka baku briaia."— *Ibid.*, p. 161.



3. DAWAN MAWAN INGNIKA

- a. **Dia dukiara Dawan tentwatla bapan Israel luhpia nani tilara?** *Impakan sturka 25:8.*

"Israel nani pyuara Dawan mita ai albika Moses ra adar yaban an marikan tentwala makbia dukiara. Naha wal Dawan wantkan lisinkum landaukaia Israel luhpia nanira baman lika apia sakuna nesan sutra. Kuna Dawan wantba wankupiara iwaia." — *The Desire of Ages*, p. 161.


- b. **Dia muni wanwina taraba Dawan tempelka wisa, nahki klin brikaiaasa?** *1 Korint 3:16, 17; Aiseya 57:15*

"Tasbara saurka baldiman taka upla kupiara sip Dawan takaskrankan. Upla kupiaba saurka mita tihmu an taski daukan, Dawan mawan ingnika sipapiakan bahara takaskaia. Sakuna Jisas upla takanba taka mita sipsa nanara wankupia raiakum wankaia an bahara Spirit Holikira paskanka raiakum wandaukaia." — *Ibid.*

"Tasba tnata balaia bailaba yawan kasak lukisa kaka wan daukanka nanisutba holi lakara iwikaiaasa.

"Uplasut aikupia aiskawal Dawan bilara kasak lukisa kaka ai iwankara marikaiaasa. Baku lika swapraskira aikupia aiskawal wark takbia sol wenmuniaia Jisas dukiara. Rait aihwa wan kupiara Jisas iwisa kaka yawan wednis painkira kum kabia wan uplika wala nani wan kaiki nanira. Taimkana kristian purataia baman kaia lika apiasa, rait aihwa wansinska, wankarnika an lahlika sutba Dawan warkkara mankan kaiaasa. Dawan bilaba yawan kumi bani stadi takaiasa wan sinskara briaia yaika bahara takaskaia, kan baku baman sipkabia saurka mapara aiklabai.

"Upla ailal barasa ao witin nani Jisasra lika kasak lukisa, sakuna ainakraba tasbara kaikisa, prias dimisa ai matawalsip manka aibapisa, presant wala nanisin serts kukanka watlara bribalisa, baha saura apia sakuna aipura sunra an Baibil aisikaiaara balantaim aitaimka mankras. Rait heven suliarika takaiasa kaka bilara iwaiasa." — *Testimonies for the Church*, vol. 5, p. 547.

 Baibil aisikaikaia ba: *Impakan sturka 20-22*

4. TEMPEL RAIABA KLINDAUKAIA

- a. **Nahki sip yawan yakan wankupia klin daukras?** *Jirimaya 2:22; Job 14:4.*)

"Upla kumisin apusa selp aikarnikawal saurka albika wilki bribawina langwi pritakaia."— *The Desire of Ages, p. 161.*


- b. **Yawan dia daukaiasa Dawan mawanra wankupia klin brikaia?** *Ezekiel 36:25-27; Zakarias 3:3-5.*

"Jekob, witin aimuihni Isau mapara saura daukanbawal wihra tara twilkikan; sakuna witin aikupia lakan. Dawan mita witinra padin munan baha saurka sutba wina; bamita witin sipkan Dawan mawan ingnikaba stanmunai. Sakuna ani uplika aisaurkawal Dawan mawanra balbiasa kaka sauhki tikikan. Jisas kli aimawalra tasbara balbia pyuara, saura dadaukra naniba sut sauhki tikan kabia aibila aisan karnikabawal an aimawan ingnikabawal. *2 Tesalonika 2:8.*

"Jan tatabra pyuara, Jisas param takan uplasutra marikan Dawan Aisa daukanka. Jisas mawan ingnikaba uplara marikikan ai saurka naniba. saurka taskika naniwina klin takaia wantsa kaka Jisaswal asla takbia. Kupia klin nani baman aimawanra kabia."— *Ibid., p. 108.*

"Jisas baman sipsa upla kupia taskikaba klin daukaia, sakuna uplara lika taibi munras. Jû nani tempelka watlara dimi wasata baku lika apia, sakuna witin wan wini naku wisa: 'Kaiks yang kupiam kurkara kingbisna, ya kwakbiasa kaka bahara dimamna' Param marikan 3:20. Yu kumi dukiara baman lika witin balras, naku wisa: 'Bahara takaskamna an witinwal taukamna upliki nani wal. 'wan saurka naniba bikbia, an kabu tihukara lulkbia wan saurka naniba' *2 Korint 6:16; Miqueas 7:19.* Dawan mawan ingnikaba mita wankupia klin an holi daukbia an Spirit Holikiraba bahara takaskan kabia bankaiara. *Epesu 2:21, 22.*"— *Ibid., pp. 161, 162.*

"Jisas, witin priswihta aimakisa heven tentka watlara bahara wan helpkara Dawan Aisa mawanra aisisa. Sakuna sintaim Spirit Holikira bak naha tasbara wan solka tempelka nanira aiwarkka daukisa."— *Ibid., p. 108.*

 Baibil aisikaikaia ba: *Impakan sturka 23-25*

5. NAIWA TEMPEL KLINDAUKAIABA

- a. **Nahki Dawan mita serts watla tauplika nani pahpaiara swinsa tempel watla kulkaiaba?** *Habaku 2:20; Ezekiel 44:23.*


"Dawan tempelka watlaba holi baku kulkanka yabaiakan, sakuna lahla kau wentakaia dukiara taski daukan kata jû nani mita.

"Pris an tawan taka uplika naniba pahpaiara kahban Dawan pliskara sulialra brih tapakaia, witin nani aimihtarakan tempel watla warkkaba adarkat mankaia. Patran kum yabaiakan tawan uplika nanira kasakka lakara iwaia."— *The Desire of Ages*, p. 156.

"Naiwa yawan iwina pyuara priaswatlara kulkanka yabras ban diara bahkikum baku brisa. Dawan dukia naniba tanka briras bakusa... Israel luhpia nanira Dawan mita kler wisata nahki tempel watlara kulkanka yabaiaba. Dawan ai lukanka satwala daukansa ki nanara? Dawan klahkla karnakiraba saurka dimras tasbaia nanisut alki brisa. Aitani kabia yawan patitara dia adarka yaban naniba bilwalaia. Yawan naha ingnika painkira wankan brina bahkira lika apia bilwalaiasa."— *Testimonies for the Church*, vol. 5, pp. 495, 496.

- b. **Jisas karnikawal yawan nahki sipsa puraluwaia?** *Matyu 5:8; 1 Jan 3:1–3.*

"Dawan luhpia kumi banira kupia kraukisna naha kasakkana aiauya tikbia apia: dia yawan nitsa Spirit Holikiraba wan kupiara bal takaskan kabia an hevenra waia riditakaia. An kau walras nani kiamara brihwaia naha gospel sturka kasakka ulbanka nanina."— *Testimonies to Ministers*, p. 442..

 Baibil aisikaikaia ba: *Impakan sturka 26-28*

MAKABANKA LUAN NANI BA LAKI KAIKS

1. Jisas pyuara Jû nani tempelka watlara dia atkikan, ya taurakan?
2. Dawan mawanka holikirara aula uplikaba nahki kaiasa?
3. Jerusalem tempelka watlaba spirit lainkara dia tanka brikaiakan?
4. Tempel watla wina aiatkra kanbi sakan pyuara Jisas dia aisan?
5. Nahki tnatkara yawan sipsa wan kupia taskiba klin daukaia?

Pas sabat kaliksanka

Prari, Lisamra, tasba nikban Mita sauhkan uplika nani helpka

Yawan sut nusa war nani ailal takiba, lapta uba mita saumuk mâ nanira sauhkiba, bapurkara lisamra, prari, tasba nikban, an ban siknis satka ailal takibawal sut wan marikisa Dawan balaia bailaba sainka nani. Yawan ridikaiasa wan uplika nani trabil brisa pyuara wan mihta sakbi helpmunaia diara sirpikumwal pan.

Man nani dia presantkam sirpi blikismabawal yawan wan walka nani trabilra nanira helpmunisa kuntri sat sat bilara an trabilka sat sat tilara. Bamita kauban wilinkira mihtan sakbibas naha pas sabat presantkam naniba bribalram kabia.

Man nani kupiam wilinkira mihtam sakbi presantkam wankrama taka upla ailal aiwatla lustiwan nanira yawan papakni sirpikum dauki yabansa, bakusin rau an piarka nanira plun dakakaia watla nanisin paskansa. Bakusin naha presantkam naninawal yawan saumuk mâ nani yabansa manki bahawina ai helpka bribia dukiara. Naha lika upla ainasla lustiwan nanira.

Dawan ra tingkika sakisa naha traika kaikanka nani tilara man nani kupiamra kanban presantkam nani wilinkira bribalisma uplikam wala nanira helpmunaia dukiara. Dawan blisingka man nani puramra kabia an ai Spiritka mita tambrikabia.

Bansakuna naha trabilka nani wanpurara baliba lika danh takras kau an kau tarasa yu banira. Ba mita sip yawan wiras kau sip wan walkara helpmunikapras.

"Jisas ra kasak lalukra kumi banira makabisa wan kupia pihnikira wal wan uplikara helpmunaia. Yawan baman brikaia lika apia sakuna blising wankiba tawi wan walka nitka brinanira yabaiaba Dawan kupia lakasa "— *Counsels on Stewardship*, p. 14.

Naiwa man presantkamba Dawan ra bribal yas riaman kabiakra apia ailal kabiakra kupia aiskawal yas bara blising briram kabia. .



Muikam nani afis lalka taraba wina

JISAS AN NIKUDIMUS


"Jisas ansamuni wisata: Kasak, kasak maiwisna, ya kli aisubi takras kaka heven kingka laka dimbia apia." Jan 3:3

"Upla wankupiaba klintakaia nitsa Spirit Holikira karnikawal blising naniba briaia dukiara. Yawan upla yakan lika sipapiasa Dawan Lâ ka holikiraba bilawalaia, nitsa heven sinska laka an karnika."—*The Desire of Ages*, p. 172.

Kau aisikaikaia: *Steps to Christ*, pp. 67–75.

Sandi

Siakwa kati, 26

 Baibil aisikaikaia ba: *Impakan sturka 32-34*

1. WAIKNA TARAKUM JISASRA PLIKAN

- a. **Yâ ba Nikudimus kan, tawan uplika mita nahki kulkanka yabikan? Jan 3:1, 10**

"Nikudimus lika Jû nani tilara respek waiknika kumkan, witin skultara diman an wark tara brikan, sinskira palikan kuntri uplika tarkika nani tilarakan... ao, lahlakira, skuldiman waiknika kumkan sakuna witin brindaukikan Jisaswal aisaia."—*The Desire of Ages*, p. 167.

"Witin lika parisikum wapnikan an aimayunra brikan wark yamni daukibawal. Tawan uplika nani mita kulkanka tara yabikan, pris nani mita sinbaku, witinba uba painsa aidara walikan."—*Ibid.*, p. 171.

- b. **Dia awarka Nikudimus witin Jisas pliki balan? Jan 3:2.**

"Nikudimus, turbi kaikan tnatka plikan nahki muni Jisaswal aisaia Olivit ilkara, witin bila kaikan tihmia pat let takanra upla nanisut yapankan awarkara Jisasra pliki balan kata."—*Ibid.*, tomo 7, p. 942.



2. JISAS WIHKI NIKUDIMUS WAL AISANBA

- a. **Jisas nahki tihmia let Nikudimus balanwal aisan?** (*Lawana nani 31:20, 21*).
-

"Nikudimus, pat pyu wihkawina brindaukikan Jisaswal aisaia, sakuna upla kaiki kaka lika apia. Witin uba mayara iubia baku aidara walikan Jû ta uplika tarakumba Jisasra plikaia. Kan pris nani mita Jisasra kulkanka yabraskanba mita. Witin Jisasra pliki balanba sturka Jû tarkika nani nutakbiasa kaka witin aipurara sipkan trabil bribalaia apiakaka upla walasin witin daukanba baku ainina bliki daukbiara sia."— *The Desire of Ages*, p. 168.

- b. **Nahki Nikudimus takrikan aiaisanka Jisaswal?** *Jan 3:2*.
-

"Jisas mawanra Nikudimus balan pyuara ria sibrin baku daukan, sakuna aisibrinkaba param sakraskan witin upla tarakum bara wisi. 'Smasmalkra —wisata Jisasra, yawan nusa man Dawan wina balram; kan upla kum man daukismaba baku sip daukras, Dawan witinwal apiasa kaka. Nikudimus aisan Jisas sain tara nani daukiba dukiara, bahawal riditakan ai sturka Jisasra wiaia. Aiaisankabawal marikikan Jisasra kasak lukisa; sakuna witin kasak lukraskan Jisasba Mesaia baku balanba tanka, sakuna smasmalkra kum baman."— *Ibid.*

- c. **Dia aisanka Jisas daukanwal Nikudimus aihka aidarawalan?** *Jan 3:3*.
-

"Nikudimus mita Jisas painka aisiwal lakula daukanbara Jisas mita tara kulkraskan, ai nakraba Nikudimus kat kaikan airaiaka sturka sitnika sut nubaku. Jisas aisinska laka tarara kaikan Nikudimus lika kasakka sturka plaplikra kum baku. Jisas pain nukan dia mita witin balanba, witin dairik aisi nan wisata: 'Kasak kasak maiwisna ya kli aisubi takras kaka sip heven kingka lakara dimbia apia'. *Jan 3:3*.

"Nikudimus witin balanba lika Jisaswal aisaia sakuna Jisas pana tawi kasakka laka bapankaba witinra wisata."— *Ibid.*, pp. 168–171.



3. KLI AISUBI TAKAIABA

- a. **Dia ansika Nikudimus mita Jisasra yaban, nahki Nikudimus baku yawan sin nitsa kli aisubitakaia? Jan 3:4-8.**

"Kli aisubitakaia dukiara Jisas aisanba, Nikudimus pat aitanka brikan diara rayakum apiakan. Baha pyuara Idan nani aidul laka swisi Israel suliarika takisa pyuara prakanka daukikan tuktan kli aisubi takanba baku. Ba mita Jisas aisankaba Nikudimus aitanka brikan yapti biarawina aisubitakaia dukiara aisaras kanba. Sakuna witin Israel baku heven suliarika aidara walikan. An chenstakaia nitapia lukikan. Nikudimus ta iwan Jisas aisanbawal. Pain aidara walraskan witin pali aidukiara dairik aisanba. Parisi tarakum baku uba pain aidara walikan, sakuna aikupia muhtara lika brindaukikan kasakkaba plikaia. Selp aiwinakat makabiwalan, dia muni Jisas witinra respek munraskan.

"Nikudimus praut takan sturi karnna aisiwal Jisasra wisata: Nahki upla almukba sipkabia kli aisubitakaia? Upla ailal bakusa, kasakka lakaba witinra aula pyuara sip aitanka briras kan upla baku wan sinskaba sipapia, Dawan Spiritka ingnikawal baman sipsa wan tanka briaia.

"Jisas sin tnatkara pana ansamunraskan Nikudimusra. Sakuna ai mihta purara buki isi an tawa tnatkara aisi naku wisata: 'Kasak, kasak maiwisna, ya uplika liwina an Spirit wina kli aisubitakras kaka heven kingka lakaba sip dimbia apia.' — *The Desire of Ages*, p. 171.

- b. **Ahkia an nahki yawan sipsa kli aisubitakaia? Jan 1:12, 13.**

"Dawan ban tasbana latwan kaikan, ai luhpia kumiman kanba yaban, uplaba kli Dawan wal pana daukaia dukiara. Jisas wark tara daukanba taka uplaba kli Dawanwal asla wandaukisa. Wan kupiaba klin an holi wandaukaia. Paskanka raia wandaukisa kli aisubitakisa pyuara, an sipsa heven dimaia." — *The Great Controversy*, p. 467.

"Jisas ra yawan kasak luki witinra aula pyuara Spirit Holikira mita waikna an mairin raia wandaukisa. Tuktan namika aisubitakan baku heven suliarika." — *Steps to Christ*, p. 52.



4. KLIN AN RAYADAUKAN

a. Kli aisubitakankawal klin an rayadaukiba dia patranka?

Mark 16:16.

"Spirit Holikira mita wan brinka ar wan tnatka almuk naniba sipsa chensmunaia; kan gaspel sturka yamniba lika upla kahwanbawina kli bukisa. Baha sika 'Kli aisubitakaia' ba." — *The Adventist Home, p. 206.*

"Heven kingka lakara dimaia dukiara Jisas mita sainkum mankan tahbi takaia lakaba. Baku lika upla kumi bani Dawan Aisa, luhpia Jisas an Spirit Holikira yumhpara kasak luki an wilinsa kaka aimina muhtara balaia nitsa tahbi takan kaia. Kau serts membarska takras kainara, an kau heven suliarika takrasra ai sinskara Jisas briaiasa: 'Dawan wan kasakka' Jirimaya 23:6.

"Tahbi sakan lakabawal klermarikisa tasba dukia naniba wan ninara swisuyaba tanka. Upla kumi bani Dawan Aisa, Luhpia Jisas an Spirit Holikira yumhpa ninara aihtabi takiba setan suliarika kau apia nanara heven kingka suliarika takan. Dawan winanka daukiba lika wan wisa: bahawina takibal, saitra taks, diara taski naniba kanpara. Ya uplika bilawalbia nanira pramiskaba wisa: 'Yang mai brimna Aisa kum baku an man nani lika luhpi waikna an mairin kama, Dawan karnakiraba baku wisa.' 2 Korint 6:17,18." — *Testimonies for the Church, vol. 6, p. 91.*

b. Upla baku wankupiaba nahki taskisa, Dawan nahki kli rayadaukaia wantsa? *Jan 3:6; Jirimaya 17:9; Epesu 5:26, 27.*

"Yakan selp wan karnikawal lika sipapiasa setan albika lakara wan wilki unta paknira wanlulkanbawina baltakaia. Wankupiaba saura an taski. Tasba skulka dimi sinslaka briaiaba saura apiasa sakuna saurkawina pritakaia sipapiasa. Ao, purataia baman lika sipsa wan daukanka ria bitar takaia, sakuna wankupia taskika lika sip chensmunras. Yawan nitsa heven karnika wankupia muhtawina warktakbia. Saurka lakaba swisi holi lakara balaiaba sipsa Spirit Holikira karnikawal baman wan daukanka almuk taski, wahra naniba swisi nanara klin, holi an kasakka lakara iwi lantakaia." — *Steps to Christ, p. 18*

**5. PASKANKA RAYA AN KLIN**

- a. **Apastel Jan an Pal wal dia aisan kli aisubi takanwal paskanka raia takiba dukiara?** *Galisan 2:20; 1 Jan 2:15-17.*

"Spirit Holikira karnikaba mita wan daukanka almuk taski naniba sipsa chensmunaia; kan gospel sturka yamni smalkankaba kahwanbawina kliwanbukisa." — *The Adventist Home, p. 206.*

"Apastel Pal kasak lukikanba lika Jisas sakripaiska tara daukanba upla swaki sakaia tanka pain wansinskara bribiasa kaka praut laka an tarapulanka laka nanisut wankupiwina sakbia. Taura Pal traikaikisa wantanka bribia Jisasba diakan hevenra kau tasbara balras kainara. Baha ninkara Pal mita wanmarikisa nahki Jisas uplatakanba wilinkira upla swaki sakaia dukiara, mayara pali bawan albakum baku bilawali lantakan pruanba kat, bahasat prurika lika swira, saura al latwan ailal wahwikan. Kristian kumi bani wantanka brisaki Dawan latwanka taraba. Kristian kumi bani spirit nakrawal sipsa kaikaia nahki Jisas sakripais tara daukanba swaki wansakaia prura albika lakawina an nutakaia wan raiakana selp wandukia apiaba tanka " — *Testimonies for the Church, vol. 4, p. 458.*

"Jisas mita Nikudimus ra wisata baku man nanira maiwisna kumi bani kli aisubitakaia nitsma, heven kingka lakara dimaia. Jisas ra yaka wan kupiara iwaia an witin dia wantba kat yawan daukaia wednis painkira kum kaiasa wan raiaka paliwal. Wan kwalka dimra, wan pata pira, wan aisanka, wan iwanka nanisutbawal idan nanira marikaia Jisas yawanra iwiba tanka. " — *Ibid., vol. 5, pág. 189.*

**MAKABANKA LUAN NANI BA LAKI KAIKS**

1. Nikudimus witin nahki selp aidarawalikan wark yamni taka?
2. Jisas mawanra Nikudimus dia daukan?
3. Kli aisubi takaia tankaba dia?
4. Nahki uplakum sipsa kli aisubitakaia?
5. Kli aisubi takibawal dia chenstakisa wan raiakara, dia muni?

**SPIRIT HOLIKIRA AYAWIBA**

"Moses twi biarara bras pyutka bukataba baku, upla luhpika waiknara bukan kabia, baku lika ya witinra kasak lukbiaba tiubia apia kuna raiabankaia laka bribia." *Jan 3:14,15.*

"¡Kaiks, ao kaiks Jisas ra, an raiakama!"— *Christian Education, p. 76.*

Kau aisikaikaia: *Christ's Object Lessons, pp. 95–102.*

Sandi**Kuswa kati, 2****1. PLIKI KAIKANKA KUM TUKBIBA****a. Nikudimus kupia swapni takikanba nahki marikan? *Jan 3:9***

"Jisas mita Nikudimus ra wiaia wantkanba naha: upla lukanka naniba mita apia ingni solkamra maikbia. Man nitsmaba lika kupia raiakum baku apiasa kaka sip apiakama heven tanka briaia. Mesaia tanka kau brimaba mita apia kau yabal wapnira maimankbia sakuna Spirit Holikira mita baman sipsa. Kli aisubitakan uplika raiakaba satwala, kainara diara tihu nani aitanka briraskanba nanara aitanka brisa. Wan kupia almuk taski, an wahrabawal sip Dawan Lâ ka bilawalras.

"Jisas aisankawal Nikudimus uba mayara aidarawalan. Ao, witin skul tara dimankan sakunna spirit lainkara smalkankana sip aitanka briraskan. Jisas mita lukanka kum wala mapara kahbraskan.

"Heven ingnika sirpilupia Nikudimus sinskara diman. Jisas aisankabawal witin sibrin takan bara makabiwalan: "Nahki sipkabia baku takaia?" Jisas tawi tankira an latwan lakawal ansamunan. Man lika smasmalkra kumsma israel tilara sakuna naha nuapiasma?" Jisas aisankawal Nikudimus lisin painkira kum lantakan, praut takaia watlikara bawan laka brin kan spirit lainkara smalkankana sip aitanka briraskan. Ao, Jisas mita sturi raitba wisata sakuna aibila swapni an latwan lakawal. Baha minitkara aitanka sip aiska briraskan sakuna Jisas pruan wina buan ninkara Nikudimus aitanka aiska brisata."— *Testimonies to Ministers, pp. 368, 36.*



2. DAUKANKA CHENSTAKAN

a. Parisi naniba diaura aimayunra brikan? *Luk 18:9–12.*

"Jû nesanka nanira Dawan mita winankan ai naslara warktakaia, sakuna witin nani uba tarapulan an uba kasakkira aidarawalikan. Pyu wihka Dawan warkka daukikanbara aimana kau ailal bribia lukikan. Gentail nanira Dawan mita winanka daukanba jû nani mita laik apiakan, witin nani baman kasak nesan wala naniba saurakira kulkikan."— *Christ's Object Lessons*, p. 400.

b. Jisas diawal prakan Spirit warkkaba wankupiara? *Juan 3:8.*

"Pasa binkaba dus tnawa an wahia nanira walisa, an wan nakrawal kaikisa nikbiba; sakuna sip wan nakrawal kaikras, upla kumisin sip wiras aniwina balan an anira auyaba. Sin bakusa Spirit Holikira warkkaba upla kupiara. Sip upla mita aisi tanka wanwibia apia. Uplakum sip witin nuapiasa wanwiaia ahkia aikupia lakanba, ar trabilkum taka witin Dawanra kasak lukanba. Sakuna bawal wiras witin aikupia lakras. Spirit Holikiraba sin pasa baku warktakisa wan kupia raia, klin an kasakka wankisa."— *The Desire of Ages*, p. 172.

c. Dawan tankaba wankupiara nahki ulbisa? *Aiseya 30:21; Jirimaya 42:3; Matyu 16:17.*

"Tawa tawa, sipsa uplikaba aidarasin walras kaia Spirit Holikira mita aikupia warktakiba an Jisas warkka taraba tanka marikisa. Yawan upla dia daukaiaba lika wan taimka mankaiaisa Dawan bila Holikiraba stadi takaia, wanpura sunaia bakusin wan walkara wednis aisaya gaspel sturka yamniba dukiara. Spirit Holikira mita ingnikaba taim kumira baman lika wankras sakuna ria riaru wankisa kau pawu auyabawal."— *Ibid.*

"Dawan Spiritka Holikira wan maihsa nihkibara kaisa wankupia karna daukaia apia, wilinkira aibila walaiasa an yarka yabal kasak wapnibara wan tapaki brihwabia."— *Letters and Manuscripts*, vol. 12, Letter 53, 1897.



3. KLI AISUBITAKAN MARIKANKA

a. Spirit wankupiara aiwarka daukiba nahki sipsa kaikaia?

Galisan 5:22–25.

"Pasa ba sip yawan kaikras, sakuna aiwarkka daukiba lika yawan kaikisa an wandara walisa. Sin baku tnatkara Spirit aiwarkka daukisa wan kupiara bara wandaukanka, wan aisanka nanira marikan kabia. Spirit Holikira mita wantabrisa pyuara wan raiaka aiska satwala wandaukisa. Kainara diara bahkira man lukikanba nanara holi lakara lukisa an bahara iwisa. Lilia laka an prilakabara wan brihwisa." — *The Desire of Ages*, p. 173.

b. Chenstakan blising kaba ahkia wankisa? *Roman 10:9, 10; 1*

Jan 1:9.

"Upla kumisin kaikras wan karbanka Jisas twilkiba, an hevenwina ingnika baliwiba. Blisingba yawan brisa wan solka aiska Jisas ra yabisa pyuara. Spirit Holikira aiwarkka takrikisa paskanka raia an Jisas wal wantalia wan daukiaia." — *Ibid.*

"Dawan Spiritka Holikira mita wan raiaka wanpira wanbrihwisa kaka, baku lika heven tanka tihuka naniba tanka bribia an Dawan daukanka nutakbia. Nikudimus naha lisinka lantakan bara witin kristian kasakkan." — *Testimonies to Ministers*, pp. 369, 370.

c. Jisas mita diawal prakisa Spirit warkkaba? *Matyu 13:33.*

"Plawar tilara leven wal miks munisa bara aiwarkka daukisa bara brek daukanbara yaban puskisa. Heven kasakka lakaba bakusa wankupiara takaskisa pyuara wan solka aiska paskanka raia wandaukisa Spirit Holikira karnikawal, wan brinka, wan lukanka almuk naniba sut swisa an holi lakara iwi lantakisa. Kainara laikkan dukia naniba nanara misbara kaikisa, an kainara nuapiakan dukia naniba nanara nutakisa, sin yapan wina rawibuwun baku, an nanara sipsa Dawan Lâ ka bilawalaiia." — *Christ's Object Lessons*, pp. 98, 99.

4. MARIKANKA KUM KAKAIRA

a. Jisas diawal prakanka daukan aipruankaba? *Jan 3:14, 15.*

"Jan 3:14,15 ra aisiba lika Nikudimus witin pain aitanka brikan. Bras pyutka kum Moses twibiarara bukanba lika tukinkum Mesaia tasbara bal pruaikanba tanka. Twi biarara Israel luhpia nani purara Dawan klala blikan pyuara, Moses ra adar yaban bras pyutka kum dauki duspurara bukbia kiamp lila pasra. Dawan adarkawal Moses mita uplasutra wisata: 'pyuta saman uplikaba bras pyutkara kaikbia prubia apia dukiara'. Upla nani pain nukan bras pyutkabara lika karnika apukan. Naha lika tukinkum bamankan Jisas bal pruaikanba. Sin tnatkara Jisas aiwinatara palira upla saurka twilkan kabiasa swaki Sasakra baku. *Roman 8:3*. Israel luhpia nani ailal kasak lukikan daiwan iki sakripais daukibawal karnika brisa upla saurka klin daukaia. Jisas wantkan yaka aitanka bribia baku apiaba tanka. Bras pyutka karnika apukataba bakusa sakuna baha lika prakanka kum bamansa Jisas ra kasak lukaia an witinra bila walaia."— *The Desire of Ages*, pp. 174, 175.

b. Jisas swaki sakaia warkka daukan, sakuna manas dia muni pruan? *1 Korint 10:9; Hibru nani 3:12.*

"Taniwalara israel luhpia ailal barakan bras pyutkara tawi kaikraskan witin nani lukikan bahara karnika apusa, yakan tasba saikawal rawaia traikaiki banhwan sakuna kausaura taki an baku ban prui banhwan kata, sipkan rawaia Dawan bilawalankan sa kaka. ."— *Patriarchs and Prophets*, p. 432.

c. Swaktakaia wantsa kaka anira kaikaiasa? *Hibru nani 6:19, 20.*

"Saurka trabilka tarabawina upla sipsa swakwi takaia Dawan bilawalbiasa kaka. Israel luhpia nani bras pyutkara ya kaikanba rawikan. Kasak lukaiaba diara tarapalisa. Dawan dia aisan nanibara bahki kulkaia apia. Jisas pruan kara yawan kasak lukaia dusprignira wan helpkara wark tara daukanba baharasa karnika tara wan saurka lakawina priwansakaia an klin wandaukaiasin."— *Ibid.*, p. 431.

**5. WAN NAKRABA WAPNI BRIKAIA**

- a. **Dia lisinka Nikudimus ninkara lantakan, nahki yawan bahawina lantakaiasa?** *Epesu 2:8; Luk 13:20, 21.*

"Upla ailal makabi walisa: dia muni kristian ailal Dawan bilara kasak lukisa wisa kuna ai daukanka almuk nanira ban iwisa chenstakras? Dia muni kristian ailal ai sturka aisiba karnawal aiwalkara aisisa praut laka an tarapulanka ban brisa? Kristian ai nina baman brisa sakuna tasba dukia nanira lihkisa an idan nani iwanka tnatka nanira ban iwisa. Praut laka ailal brisa, selp aiwina kat baman lukisa, an ai tnatka almuk nani ban nina blikisa. Baha trabilkaba lika ao, upla manas kristian lika takan li wina aihtabi takan sakuna Spirit wina lika aihtabi takras. Airaiaka aiska Dawan ra yabras Spirit Holikira mihtara aimakras bara kainara diakanba kat ban iwisa. Naha sat kristianka nani lika gaspel sturka smalkankara karnika tikisa aidaukankawal, Jisas wedniska kum saura yabisa upla wala wan kaiki nanira." — *Patriarcas y Profetas, pp. 361, 362.*

"Kasak lukan lakaba Dawan bila smalkanka walanbawina balisa. *Roman 10:17.* Dawan bila ulbanka naniba lika wan daukankara chensmunaia karnika tarabrisa. Jisas aipura suni aisata: "Holi dauks bilamra; man bilamba sika rait kasakba" *Jan 17:17.* Dawan bilaba staditakaia bila walaia an bahara iwaia, baku lika wan saurka nanibara puraluwaia sipkabia. Spirit Holikiraba mita wan saurkaba wankan tanka brisa an Jisas warkka tara daukanba wankan tanka brisa an pana witinra latwan kaikisa an wan raiakaba sipsa yus wanmunaia aikupia laka daukaia dukiara." — *Christ's Object Lessons, pp. 99, 100.*

**MAKABANKA LUAN NANI BA LAKI KAIKS**

1. Jisas pyuara parisi naniba dia daukanka brikan?
2. Aisas nahki yawan Jisaswal baku takisa?
3. Wankupia chenstakanba nahki sipsa kaikaia?
4. Bras pyutka purara bukan tukinkaba sturka ria aisas
5. Dawan kupia pihnnika lakaba nahki leven bakusa wan kupiara?


JISAS AN JAN TATABRA

"Aitanisa witin paubia, an yang mayara iwamna." *Jan 3:30.*

"Jan tatabra dukiara Jisas aisi nan wisata: witin lika prapit nanisut purkarasa. Sakuna Jan tatabrara upla nani mita makabiwalan pyuara naku ansamunan: Yang lika sirpi palisna witin ai suska awawilkanba lanhkaia sin aitani apiasna."— *Testimonies for the Church, vol. 5, p. 224.*

Kau aisikaikaia: *Testimonies for the Church, vol. 5, pp. 721–729.*

Sandi**Kuswa kati, 9**

 Baibil aisikaikaia ba: *Libait laka 26-27*

1. DISAIPIL NANI TILARA TRABILKUM

- a. **Dia trabilka takan Jan disaipilka nani an parisi naniwal?** *Jan 3:25.*
-
-

"Jisas warkka kau pawikan kaikan pyuara, Jan disaipilka nani tuman brinkata. Bara tnatka plikan nahki warkkaba mapara aisaia. Pyu wihka apiakan bara Jû nani aikuki blahwanka brihiakawan Jan tahbi daukiba upla solka klin daukisa sapa saurkawina; Jisas tahbi sakanka lakaba satwalakan Jan daukibawal prakbiasa kaka. Jisas disaipilka nani wihki Jan disaipilka naniwal blahwan kata dia sturka aisaia tahbi daukisa pyuara."— *The Desire of Ages, p. 178.*

- b. **Jan tatabra disaipilka nani nahki Jisas warkkara misbara kaikan, Jan ka pali dia aisan?** *Jan 3:26, 27.*
-
-

"Jan tatabra lika upla yawan bakukan wan swapnika nanisin brikan, sakuna Spirit Holikira karnika mita chensmunan kata. Jan raiakara misbara, tuman, tarapulanka, lawanka nani kumisin apukan. Ai disaipilka nani blahwanka daukanbawal witin wilin apiakan, sakuna witin painpali aitanka brikan Mesaia warkkaba wihki witin aiwarkkawal. Jisas witinra balan pyuara lilia takan an yamni balanka yaban kata."— *Ibid., p. 179.*



2. JAN TATABRA WARKKA

a. Nahki Jan marikan aiwarkka tanka nukanba? *Jan 3:28, 29.*

"Jan balan sin marit takikanra waiknikaba aipanika blikan utla ridi daukikan an plun piaia naniba sinbaku. Marit takaia waiknikaba bal witin ai maia mairin wal asla takanra lika panika warkkaba danhtakikan. Panikaba witin uba liliakan aipanika waikna aimaiawal brinba dukiara. Jan ra Dawan mita blikan balan upla nanira yaka Jisas ra kaikbia dukiara, witin liliakan Jisas warkkaba kaikan pyuara."— *The Desire of Ages*, p. 179.

b. Aisas Jan tatabra an— yawan wan warkka. *Jan 1:23, 29.*

"Jan tatabra, ainakra Jisas ra kaikan witin wilinkan diarasut winba kasak daukaia. Minit kumirasin wantapiakan upla naniba witinra kaikbia, sakuna Gad Sipka lupia tasba saurka brih sakibara upla lukanka nani mankaia wantkan. Witin lika bilabaikra kum baman twilawanra aisikan Mesaia aulaba dukiara. Nanara, liliakira saptakan uplasut nakraba Jisas ingnikara kaikbia dukiara.

"Dawan mita aiwarkkara winan uplika kasakkiraba witin minit kumirasin plikbia apia aimayunra briaia. Selp aiwina kat kaikaia watlikara Jisas ra kaikbia. Unsaban ar blahwanka kumisin apukabia gaspel sturka yamni smalkankara. Kler nukabia aiwarkkaba lika sturi yamniba smalkaia Jan tatabra daukanba baku: 'Kaiks Gad Sipka lupia tasba saurka brih sakiba'. *Jan 1:29.* Jisas ra lika purara bukbia an witinwal tasba uplika nanisut. 'Naku aisansa witin laih purara iwiba bankaiara, ai ninaba lika holi: "Yang iwisna laih purara holi lakara, an upla umpiraba ai spiritkara, kupia kriwan naniba kli rakaia dukiara" *Aiseya 57:15.*" — *Ibid.*, pp. 179, 180.

"Yakan brinkam nani plikpara man dia wantsmaba apia, sakuna pliks dia Dawan kupia lakaba. Kumi bani selp makabi walbia: Sipsna ki upla kumra naiwa Jisas Gad Sipka lupia dukiara aisaia? Sipsna ki sari bri nanira maihsa nihkra yabaia? Spirit Holikira naiwa raiakina maikisna taibris an siniski lukra karnika sut taipks an mairiks anik wapaianaba." — *Historical Sketches*, p. 140.

3. SPIRIT PRESANTKA**a. Upla ailal Jisas warkka kaikanra dia daukan? *Jan 3:32.***

"Jan tatabra disaipilka nani aisikan uplasutba Jisas ra balisa, sakuna Jan kler aisi nan wisata: 'Jisas wedniska upla briras'; upla wiria baman wilinkan swaki Sasakra baku biaia. Sakuna ya Jisas wedniska briba an sealka mankansa Dawanba kasakba tanka. *Jan 3:33.*"— *The Desire of Ages, p. 181.*

b. Spirit Holikira presentkaba ya nanira yabisa? *Jan 3:34.*

"Wanwina an wan nakra brinka, tasba brinka naniba sutwina lanhwi takbiasa kaka heven ingnika bribia. Jisas tanka tihuka naniba sip bribia apia wan karnika, wan sinska an wan raiaka aiska Spirit Holikira mihtara mankras kaka. Dawan Aisaba an Spirit Holikiraba walsut asla Jisas ra iwisa, an man nani witinwal aslasma. *Kolosi 2:9,10.*"— *Ibid.*

c. Dia Baibil wanwisa Spirit Holikira briaia dukiara? *Jan 14:15-17; Sturka nani 5:32.*

"Wan bilawal baman sip yawan wiras kasak lukisna, sakuna bilawali daukaiasa. Jisas yawanra iwikaiasa awarbanira an witin aikupia lakakat taukikaiasa, wan sturka naniba Jisas dukiara baman aisaiasa. Kainara saurka nina blikikanba nanara Jisas wal iwaiasa saurka yuikasin wan raiakara apukaiasa an Dawan Lâ ka bilawawalra kasak kaiasa. Ao, yakan lika yawan sipapiasa sakuna Spirit Holikira karnikawal baman sipkabia daukaia. Jisas wan raiakara iwisa kaka apastel Pal aisan baku nanara yang raia apiasna sakuna Jisas yangra iwisa, naha lisinka lantakbiasa kaka yawan sipkabia waikna an mairin raiakum baku iwikaia, tasba brinka, tasba kukanka naniba tara kulkras sakuna heven dukia naniba bahara wan sinska manki banbri kaiasa, yu kumira baman apia sakuna wan raiaka aiskara."— *Testimonies for the Church, vol. 6, p. 92.*



4. TAHBI SAKAN PRAISKA

- a. **Tahbi takaisa pyuara dia wantanka pain brikaiaisa Jisaswal pramis takiba dukiara?** *Jan 3:36.*

"Jisas wan raiakara iuras kaka tahbi takan lakaba bahki purataia bamansa."— *The Desire of Ages*, p. 181.

"Nitapiasa blahwaia Jisas tahbanka laka ar Jan tatabra daukikanbawal upla kupia klin daukisa. Jisas tingkika lakawal baman wan solka sipsa raiaka brikaia."— *The Desire of Ages*, p. 181.

"Jisas ku baman upla sipsa kli pruaia apia lakaba briaia. Jisas naku aisan: "Ya yangra kasak lukiba bankaia raiaka brisa; sakuna ya Jisas ra kasak lukras kaka raiaba bribia apia" *Jan 3:36.* Uplasut sipsa Dawan blisingka briaia aibila wali daukbiasa kaka. Ya ban bapi buiba wark yamni dauki an kli pruaia apia laka pliki naniba brinkabia bankaia raiaka. *Roman 2:7.*"— *The Great Controversy*, p. 533.

"Tahbi takan lakabawal yawan tasba brinka nanira pruisa. Dawan Aisa, Luhpia Jisas an Spirit Holikira yumhpa ninara tahbi takan naniba bankaia raiaka brisa an uplasut mawanra wednis aisansa setan tilawina takanba tanka an nanara heven kingka pamalika tilara baldiman luhpiakum baku."— *Testimonies for the Church*, vol. 6, p. 91.

- b. **Jan tatabra smalkanka nani dukiara aisas, nahki upla raiaka pali dukiara aisanba?** *Luk 3:7, 8.*

"Jan aisan asaba dus playara swin. Saurka dukiara kiama auban, dia trabilka balbiabara sin lukras, an Gad Sipka lupia yabalka rididaukan.

"Herod, tatatwan Jan tatabra smalkanka walan pyuara, witin aiwinakat dukiara aisan, makabiwalan witin dia daukbia Jan disaipilka takaia. Jan nukan Herod aimuihni maiawal marit takaia riditakistanba kau muihnika pruraskan kainara, Jan mita Herod wisata baha daukaiba kasak apiasa Dawan mawanra."— *Early Writings*, p. 154.

"Jan tatabra witin saurka mapara karna buan an kiama auban upla tara an sirpi mawan siaia yabras. Diara raitba aisan King an aisuliarka nanira, walbia ar mapara bubiakra. Upla winakat dairik aisan kata aipurara dia trabilka balbiabara sin lukras." — *Selected Messages*, bk. 2, p. 149.

**5. SINSLAKA TNATKA**

- a. **Dia Jisas daukan parisi nani mita Jan tatabra wal trabil daukaia traikaikan pyuara?** *Jan 4:1–3.*

"Jisas nukan parisi nani traikaikaiba tarbaiwan laka bribalaia Jan tatabra disaipilka an witin aidisaipilka naniwal tilara. Jisas nukan Jan tatabra raiaka nahki tantara waikanba witin lika prapit nanisut purkara tara kulkanka heven mita yabanba. Jisas minit kumirasin want apiakan blahwanka takbia bara kau kanra yamni aiwarkka swisisi Galali ra balan. Yawan sin baku traikaikaiasa wantilara unsaban ar blahwan apukaia kan nahasut lika setan spiritka mita bribalisa, bakuwal wantsa gospel sturka karnika tiki an sauhkaia." — *A The Desire of Ages, p. 181.*

- b. **Dia yawan lantakaiasa Jan daukankawina trabil puraluwaia dukiara?** *Jan 3:30.*

"Jan tatabra disaipilka nani baku, upla ailal lukisa smasmalkra pas balanbara kau kulkanka yabaiasa. Upla nakra naniba waiknara kaikisa Dawan ra lika apia, baku tnatkara lawanka wantilara bribalisa an wan smalkankara karnika tiki sauhkisa. Kan ya uplika warkba witin takrikan wisi aimayunra briaia plikisa kaka baha setan lukankasa. An baku suliar nanira Dawan wina wihkara brihwisa.

"Dawan warkkaba upla lukanka ar smalkanka brihwaia apiasa. Pyu banira Dawan ai albika nani bukbia aiwarkka daukaia an gospel sturka yamnibara tabaikaia. Yamni palisa aniuplikawikira wilinba Dawan kupia laka daukaia Jan tatabra aisanba baku: 'Aitanisa witin paubia an yang mayara iwamna'." — *El Conflicto de los Siglos, p. 453.*

**MAKABANKA LUAN NANI BA LAKI KAIKS**


1. Dia muni Jan disaipilka nani mita Jisas warkkara tuman brin?
2. Jan mita aidisaipilka nanira dia win?
3. Spirit Holikira presantkaba dia dukiara wankisa?
4. Nahki kaiasa uplakum raiakaba rait aihwa aihtabi takanba?
5. Jisas an Jan wal dia daukan aidisaipilka nani trabil daukanra?

JISAS AN SAMARITAN MAIRKA

"Yang lí yamna dibia uplikaba kli diran daukbia apia, baha laiaba li karma kum kabia an raia bankaia lakara brihwan kabia." *Jan 4:14.*

"Tasba dukiawal ai diranka daskaia plikiba, dibia sakuna kli diran daukbia. Bamita plis sutra upla barasa pain aidara walras. Brindaukisa ai solka diranka daskaia. Upla kumi baman sipa dirankaba daskaia, 'Tasba aiska brindaukiba' Jisas kraist."— *The Desire of Ages*, p. 187.

Kau aisikaikaia: *Testimonies for the Church*, vol. 4, pp. 384–387.

Sandi**Kuswa kati, 16** Baibil aisikaikaia ba: *Kulkikaikanka* 12-13**1. JISAS SIKAR RA**

- a. **Jisas an aidisaipilka aikuki Galalira auyakan pyuara anira takaskan?** *Jan 4:5, 6.*

"Jisas liwanhta purara iwikan pyuara, witin plun pindaukikan an lidiransin daukikan. Yabal wapanba wihkakan titanwina ban dinarkat. Lî kaikan taim kau lidin daukan, sakuna witin aimihtara diara apukan li sakaia an liwanhtaba paknikan. Upla yawan bakuwitin trabil brikan, bara minitkum iwan ya uplika bal li sakbia kakara li makabaia dukiara."— *The Desire of Ages*, p. 183.

- b. **Yâ uplika liwanhtara balan, Jisas dia makaban, dia yawan bahawina lantakisa?** *Juan 4:7.*

"Jû an Samaritan uplika naniwal lika pana pana misbara kaikikan baha taka mairka mita Jisas ra li yabraskan; sakuna Jisas ailatwankawal traikaikan mairka kupiara kanbaia witinra makaban, sipkan mairka apia wiaia, sakuna uba sturi swapni an latwan wal aisanbara mairkawal aisan. Tasba aiska paskan Dawan ka karnakira an sinkira pali, li karma, li aubra, tingni, awala, kabu tara sut paskan Dawan ka mita mairin kumra li makaban. Bahasut balika upla swaki sakaia dukiara wan tnatkara balan yawan diana baku trabil ailal brin an patran painkira kum wanmarikan."— *Ibíd.*, pág. 184.

2. LI SATWALA

- a. Nahki Jisas winanka daukan Samaritan mairkara swaki sakan laka bribia dukiara?** *Jan 4:10.*
-
-

"Jisas lî dukiara aisanba lika ai tingkika laka, ai Spiritka an aismalkanka wan solkara dasna daukiba. Lî sat wala upla dibiasa kaka sip satispais bribia apia. Sakuna Dawan bila kasakba lika sin li karma kum baku bakia baha lika prakanka daukan kata Libano tingnika layawal. Jisas raiakara lilia bankaiaba upla sipisa sakaia."—*Testimonies to Ministers, p. 390.*

- b. Jisas winankara mairka dia daukan?** *Jan 4:11, 12.*
-
-

"Jisas aisankara Samaritan mairka aitanka briraskan, witin lukikan Jisas liwanhtara aimawanra ba dukiara aisisa."—*The Spirit of Prophecy, vol. 2, pp. 140, 141.*

- c. Jisas nahki lî difrantka daukan, nahki yawanra sin blisin wankisa?** *Jan 4:13, 14; Param marikan 22:17*
-
-

"Jisas ra yawan kaikaiasa ailatwankaba wankupiara banbrikaia baku lika sipkabia witin aitalika takaia. Kau witinwal kakaira takaia, bilakaikaia an sibrin briaia apia. Bahasika Jisas wantkan samaritan mairka aitanka bribia. Jisas wisata: 'Man Dawan presantka nusmasa kaka, an yâ manwal aisi mamkabina: aik li diaia; kauni lika man mita makama, an witin mita maikbia raiaka laya. Yang mita li yabamna uplikaba witin klisin diran daukbia apia witin airaiakara li karma kum baku bankabia an raia bankabia. Baku lika Dawan mawan ingnikaba yu banira bankaia an lanwandaukbia bawan laka an tingki wiaia lakabasin. Sibrin laka naniba sut siahwi tikan kabia an Jisas daukankaba wina yawan lantakbia: Holi, kasak, wapni an klin lakara iwikaia pyua banira."—*Testimonies to Ministers, p. 226.*



3. RAYAKAIA LAIA

a. Samaritan mairka nahki sip aitanka briraskan Jisas aisankara? *Jan 4:15.*

"Dawan tingkika lakaba witin baman sipsa wankaia sin li klin, raia an wan solkara karnika yabiba.

"Jisas aisaraskan li raiaba dis tah munbiaba walbaman aitani kabia ya bribia nanira. Dawan latwanka daminika kaikbia naniba kau an kau want kabia; diara wala kumisin plikbia apia. Naha tasba mita kulkanka yabiba, tasba lilia, an tasba kukanka nanisutba bahki kulkisa. Wan kupiaba yu bani brindaukisa Dawan mawan ingnikara iwikaia. Wan solka nitka nuba lika wanbila kaikisa wan diranka an plunpin baku kasakka laka brin wandaukiba wankaia. Tasba laya nani sipkabia danh taki an lawaia; sakuna ya Jisas nina blikiba lika li karmakum ban brikabia. Bankaia laya karmawina lika sipsa yu banira bahawina dikaia. Jisas wankupiara iwisa pyuara blisin ailal yawanra wankisa: "Bankaia laya karma kum baku". Bahawina yawan sipsa karnika briaia wan nitka nanisut puraluwaia dukiara. —*The Desire of Ages, p. 187.*

b. Samaritan mairka baku an Israel luhpia nani twilanra kataba baku, nahki yawan Jisas kupia pihnika lakaba sip wantanka briras sa? *Lawana nani 78:15, 16, 19, 20; 114:7, 8.*

"Moses mita walpara prukan, sakuna baha walpaiaba Jisas kan sin klaut pihni minakum baku Moses lamarakanba, Jisas mita yaban Israel luhpia nanira li karma painkira kum baku. Uplasut kaikan Dawan mawan ingnika klaut kum bakura balankanba. Klaut apiakan Jisas witin palikan.."— *Patriarchs and Prophets, p. 298...*

"Dawan bila holikirabak yawanra wan aisisa ailatwanka an aikupia pinhka laka wanmarikisa li raia an auhni baku wan diranka daskisa. Jisas wan solkara iwisa pyuara wan raiaka aiskaba klin, holi an kasakka lakara wantapaki brihwisa. Ao kau tasbarasa sakuna pat hevenra baku wandara walisa, trabil nani sut tilara wan kupia lilia ban brisa."— *Testimonies to Ministers, p. 390.*



4. JISAS PARAM TAKANBA

- a. **Dia aisankawala Jisas takrikan Samaritan mairkawal, nahki witin ansa munan?** *Jan 4:16, 17.*
-

"Jisas mita sturi aisikataba swisi diara wala aisan. Jisas wantkan naha mairka aisaurka tanka bribia ninkara heven blisingka yabaia dukiara. Jisas wisata: 'Was mayamra wih wins bara manwal bal'. Mairka ansamunan: 'Yang waikna apu' mairka want apiakan marit bisniska sturka aisaia."— *The Desire of Ages*, p. 187.

- b. **Nahki Jisas mairka ansika kautaka tamankan, nahki wan marikisa Jisas wan kakaira ba tanka?** *Jan 4:17 18; Lawana nani 139:7, 8, 11, 12.*
-

"Dawan karnika an tarkikaba sip wantanka aiska briras. 'Dawan trunkaba hevenrasa' *Lawana nani 11:4*; sakuna ai Spiritkaba plis sutra barasa. Dawan lika upla kumi banira kakairasa dia lukiba an daukiba sut."— *Education*, p. 132.

"Heven ensalka nani aman laki kaikisa wan mihtara wark wankanba nahki daukiba, an kasak kat daukras taim ulbisa aitani kat daukraskan."— *Child Guidance*, p. 155.

"Dawan Lâ ka Matawalsipba lika wan lukanka, wan daukanka wan iwanka sut dukiarasa. Wankupia muhta tihmura an yukwanra dauki naniba sut paramra sakisa. Dawan nakrawina diara sirpilupia kumisin tiuras: wan aisanka, wan lukanka, wan kaikanka naniba sut witin aman pali kaikisa. Heven bukkara wan saurka naniba sin ulbansa, ao kau daukras kuna lukanba pat daukan baku kulkisa. Wan raiaka aiskara dia lukiba, daukiba, waliba, kaikiba sut Dawan bribalan kabia La tara mawanra. Bakusa kaka aman pali kaikaiasa yu banira diaura wan taimka tikiba, kaikiba, waliba an daukibas. Kau tingki taimka danh takras kainara Dawan mita winanka daukisa ailuhpia kumi banira aikupia lakbia an aisaurka naniba sut swibia dukiara."— *The SDA Bible Commentary [E. G. White Comments]*, vol. 5, p. 1085.

5. JISAS PARAM TAKAN SASAKRA BAKU**a. Mairka lasra nahki aitanka brin? Jan 4:19. Aitani kanki bawal baman?**

"Mairka tatatwan. Witin dia yukwanra daukan dukia nanibasut paramra sakan pyuara, witin wantkan upla nutakbia apia an yukuki ban brikaia. Ya naha waiknika witin airaia pali sikritka sut nuba? Mairka lukankara balan tnata yuara la tara daukan kabiara an diara yukwanra bara naniba sut paramra sakan kabia pyuara.

"Mairka sip wiraskan apia baha kunin, sakuna wantkan baha sturka kau aisi taura wabia apia. Kulkanka yabiwal, wisata: 'Waikna, dairawalisna manba prapitkum sma'. Ninkara serts bilara smalkanka sat sat taka unsabiba dukiara aisan. Mairka lukikan naha waiknikana prapitsa kaka witinra kler mumbia serts bilara pyu wihkawina unsaban brihaulaba dukiara'."— *The Desire of Ages*, pp. 187, 188.

b. Mesaia ra bilakaikanka briba dukiara mairka aisanra, Jisas tawi dia win? Jan 4:25, 26.

"Gospel sturka yamni smalkankaba upla mawal baman dukia apia, wali an aowibia nanira. Uplasutra smalkan kaiasa, ya uplika wilinsa kaka walaia, diara kasakba aitanka briaia an yabal yamnira bal aimakaia, bahasat uplikara Dawan Spiritka Holikiraba brindaukisa yabal yamnira brih tapakaia. Kler aisisa parabelra lika apia, Samaritan mairkara wisataba baku: 'Yang sika manwal aisisnana'."— *The Desire of Ages*, p. 194.

MAKABANKA LUAN NANI BA LAKI KAIKS

1. Dia muni Jisas selp aidukiara tukinkum daukraskan?
2. Nahki Jisas mita Samaritan mairkara gospel sturka smalkan?
3. Raiaka laya dukiara Jisas dia aisan?
4. Diakan Jisas aisan Samaritan mairka raiaka dukiara?
5. Mesaia balaia kanbawal pramiskum aslaba dukiara aisas

Pas sabat kaliksanka

Skul watla kum makaia helpka Rumania **Kuntrikara**

“Tutkan kau sirpira diara landauki dukia naniba aidaukanka nani wapnira brihwisa.”— *Testimonies for the Church*, vol. 3, p. 135.

Wan lakrika Ellen G. White ulbankara sturi sirpikum pain aisisa. “Tuktan skulka wik bilara daukiba upla watla nanira mâ yamni sakisa kan tuktan nani dia lantakiba aiwatla bilara praktis munisa an yaptika nani mita tabaikisa. Tuktika ailal naniba wan priaska watlawina apia.”— *Evangelism*, p. 583.

Tuktan nani daukanka yamni pakaia skulka watlaba bapan 2019 mankara tawankum nina Pagaras makisa unta tilarasa Rumania kuntrika bilara. Tuktika naniba lika maniwal wina matsipkan aimanka naniba brisa witin nani uba painkira diara ailal lantakisa. Witin nani dia pitka sipba ai mankawal landaukisa an Dawan bilasin ba tilara lantakisa an lawana aiwani Dawanra mayunaia, aipura suni lantakisa an aipanika nani aikuki latwan lakara iwi lantakisa. Kau tuktan sirpisa sakuna pat nusa diarasut tilara Dawan mita wan tabrisa an wan trabilka nanira help wankisa. Aidaukanka naniba yu banira kau pawissa yamni lakara. Tingki wisa Dawan mita nahki tuktan sirpi nanira chens muni brihauyaba. Yawan brinwandaukisa kau pawu ayuaba pyuara helpmunikaia.

Yawan takrikanra lika tuktan 12 bamankan; bawina mani walhwal luanra nanara tuktan 32 brisa, 31 tuktan naniba wan sertska wina apia. Tuktika naniba asla takisa Rumania Yunian afiska bilara, witin nani dukiara plis sirpikum yabansa. Nanara tuktan kau ailal dimaia wantsa sakuna pliska lupiaba uba sirpisa.

Man nani helpkam lakawal naha katira presantkam mankmabawal sipkabia skulwatla sirpikum witin nani dukiara makaia.



Muihkam an lamkra nani Rumania wina



MISANIRY KUM AISUBITAKAN

"Man nani aisisma: Kau kati walhwal lubiara plawar ma krikaia ridikabia? Kais maiwisna: Namkra buki kaiks inslaba, pat pihwansa krikaia pyua aimakan." *Jan 4:27.*

"Jû an gentail naniwal waihla laka brikataba Jisas mita sauhki tikan, an gaspel sturka yamniba smalkan tasba aiskara. Ao, witin lika jû kumkan, sakuna samaritan uplika aikuki kler sturi aisikan, parisi tnatka kataba bahki kulkan."— *The Desire of Ages, p. 193.*

Kau aisikaikaia: *Testimonies for the Church, vol. 5, pp. 182–187.*

Sandi

Kuswa kati, 23

Baibil aisikaikaia ba: *Kulkikaikanka 28-29*

1. TENT WATLA WARKKA

a. Jisas ba Mesaia ba nutakan pyuara samaritan mairka minitkara dia daukan? *Jan 4:28, 29.*

"Samaritan mairka witin uba liliatakan Jisas aisanba walan pyuara. Jisas mita diara param saki win ba walan pyuara kau sip stanmunraskan. Aibukitka liwanhta purakat swisi tawan bilara plapi balan aiwarka nanira wiaia. Jisas nukon dia mita mairka wanba. Aibukitka swinba mistik lika takras, Jisas aisanka ba kupiakat saban. Witin nanara brindaukikan raiakaia layaba, aitawanka uplika nanira wih win Jisas mita gaspel sturka ingnika painkira witinra yabanba."— *The Desire of Ages, p. 191.*

b. Sikar uplika nani mairin wedniska walanra dia dauki banhwan? *Jan 4:30.*

"Samaritan uplika nani mairin wedniska walan pyuara aikupia nani tatatwan. Nanara mairka mawanba liliakan, satwala takan aidaukanka sutra. Bara uplika nani brindaukikan Jisas ra witin nani palisin selp ainakrawal kaikaia an aikiamawal smalkanka painkiraba walaia."— *The Desire of Ages, p. 191.*

2. PLAWAR MÂ AN MA KRAKRIRA

- a. **Sikar uplika nani aulakan kaiki Jisas dia win aidisaipilka nanira?** *Jan 4:35–38.*
-

"Insla mâ krikiba ai mana brisa, an saumuk mâ ba raiabankaiara, baku lika saumuk mâ mankan an krikanba walsut ai lilia bribia. Naha aisankana wisa: Upla kum saumuk mâ mankisa, an wala barasa krikaiara. Jisas nahara marikaia wantkan gaspel sturka twatwilkra naniba misaniry kum baku. Upla kumi banira Dawan mita wark yabansa. Mankaiara apiakaka krikaiara. Sipsa sin prakanka daukaia saumuk mâ wahwi yakabiba insla bilara paubia dukiara, sakuna upla wala sipsa balaia mâ krikaiara; mankanba wihi krikanba walsut aimana brisa."— *The Desire of Ages*, pp. 191, 192.

- b. **Mairin wedniska taka Sikar uplika nani dia daukan, yawan dia lantakaiasa bahawina?** *Jan 4:39.*
-

"Jisas yawanra iwisa pyuara witin mita wapni an kasak lakara wan tapaki brihwisa. Klin holi an latwan lakaba wan daukankara marikisa. Bawan lakaba wan raiaka kuntrul munisa. Wan mawanba nahki trabilra kabiasin kikanka kum baman brisa. Spirit Holikira mita waikna an mairin raia wan paskisa pri laka an lilia lakaba wan kupia muhtara barasa. Sin dus tnawa dusa wina wal aslaba baku Jisas wal asla iwisa, raiakaia ba witin wina wankisa bara wan daukanka naniba mâ yamni baman sakisa yu banira an awar banirasin. Wednis painkira kumsa wan kaiki uplika nani mawanra.

"Jisas ra yawan kaikibawal witin aililka kat takisa; aidaukanka holi, kasakbawina yawan lantakisa, bara wan brinkaba lika yu banira witinwal baku takaia sin aililka kat. Naha lika yakan selp wankarnika wal lika apia Spirit Holikira mita sinslaka wankan kaiasa. Saurkara pruankebawina nanara raiatakan an spirit dukia nani kainara sip wantanka briraskanba nanara wan nakra ilingan. Heven sinska laka brisa bara diara tihura nanikanba nanara tanka brisa. Wan daukanka, wan iwanka, wan wapanka, wan aisanka nanibasut holi, kasakka lakara bamansa."— *Selected Messages*, bk. 1, pp. 337, 338.



3. JISAS SAMARIARA WANBA

a. Samaritan uplika nani mita dia makaban Jisas ra, dia muni?

Jan 4:40.

b. Jisas, Samariara takaskan taka dia takan? *Jan 4:41.*

"Jisas mita samaritan mairkara liwanhta purara aisan sturka naniba saumuk mâ yamni bakukan isti pawu ai mâ sakan. Tawan uplika dakra tarakum balan Jisas smalkanka walaia an witinra kasak luki banhwan kata. Liwanhta purakir bali banhwan Jisas ra makabanka nani daukan an painkira witin nanira ansika yaban kata bara diara ailal aitanka briras kanba nanara aitanka brihiakawan. Bahawal baman lika aitani aidara wali banhraskan brin daukikan kau walaia an aiuplika wala nanisin kau balraskan naniba sin walbia dukiara. Bara Jisas ra makaban samariara ria takasbia dukiara. Baku lika yu wal Jisas bahara takaskan an upla ailalapali witinra kasak lukan kata." — *The Desire of Ages*, p. 192.

"Jisas mita Dawan Aisaba param marikan aidisaipilka nanira bara witin nani aikupiara wark tara daukan, bakusin naiwa Dawan wantsa wankupiara witin bal iwaia an chens wanmuniaia. Smalkanka kum baman lika apia sakuna rait aihwa kaiasa. Spirit Holikira mita wan sinska kwakan kaiasa an wan nakra saikaia mankaia bara yu banira yawan sipkabia aimawan ingnikara iwikaia." — *Reflecting Christ*, p. 302.

c. Samaritan uplika nani dia aisan Jisas ra Mesaia baku kasak lukan ninkara? *Jan 4:42.*

"Parisi nani mita Jisas ra bahki kulkan, witin skul tara dimraskan wisi. Jisas tukin nani daukiba kaikras bakukan sakuna makabi banhwan sainkum dauki marikbia witin Mesaia baku balanza kaka. Samaritan nanira Jisas sain kumisin daukraskan, kuna smalkankawal baman samaritan tawan ul Jisas ra kasak lukan Mesaia kum baku." — *The Desire of Ages*, pp. 192, 193.

4. PRAPIT AISANKA KARNIKA

- a. Ani prapitka ulbankara Samaritan nani kasak lukikan Mesaia balaiaba dukiara?** *Blasi sturka 49:10.*
-
-

"Samaritan uplika nani kasak lukikan Mesaia balaiabara Jû nani dukiara baman lika apia sakuna uplasut dukiara. Spirit Holikira mita Moses ku pat kaina manas aisankan Mesaia balaiaba dukiara. Jakob ku Dawan pat maihsapahkankan uplasut witrira asla takbiaba dukiara; an Ebrahim kiamkara blismunankan tasbara iwi uplika nani sut dukiara. Baha prapit ulbanka nanira Samaria uplika nani kasak lukikan Mesaia balaiaba. Jû nani pain aitanka briraskan prapit ulbanka Mesaia balaiaba dukiara aisankanba. Jisas tasbara aimapas an aimawalra balbia nanibasut wahra aitanka brihiakawikan. Jisas balan pyuara Jû nani diara aitanikat smalkraskan dukia naniba klersakan, bara upla ailal nanara aitanka brihiakawan kata heven Kingka laka dukiara."— *The Desire of Ages, p. 193.*

- b. Naiwa yawan dia lantakaia nitsa Samaritan uplika nani nahki kasak lukanbara?** *Smasmalkra 11:4, 5.*
-
-

"Upla ailal tasba aiskara, waikna an mairin nani hevenra kaikisa. Aipura Sunisa, ainakra laya sakikira sol ailal brindaukisa Spirit Holikira tingkika laka an ingnikabasin. Upla ailal Heven Kingka laka durka bilara bilakaikisa aslatakaia."— *The Acts of the Apostles, p. 109.*

- c. Uplakum rait aihwa aikupia lakisa pyuara dia takisa?** *Mark 5:18–20; 7:31–37.*
-
-

"Spirit Holikira karnika mita waikna an mairin nani li diran baku kasakka laka pliki banhwiba yaka aibanhwan kabia. Baku lika wan winatara, wan solka an wan sinska sutba holi lakara yaka iwankabia. Upla ailal setan mita ai albika lakara brikan naniba prisakan kabia an heven suliarika tilara brihwabia. Dawan aikarnika tara briba marikbia nahki witrira kasak luki nani raiakara."— *The Desire of Ages, p. 341.*

**5. KRISTIAN MISANIRY WARKKA**

- a. Samaritan mairkawina yawan dia lisinka lantakisa? *1 Jan 1:1–3; 2 Korint 5:14.*

"Samaritan mairka Jisas ra sakan pyuara witin aiuplika wala nanisin Jisas ra bribalan kata. Nahawal marikan misaniry warkka dadaukra painkira kum baku. Disaipil nani mita lika samaria uplika naniba Jisas ra kasak lukbia apia lukikan. Ban pyu wihkara lika bahara sipkabia wark daukaia. Nuapiakan samariara pat insla mâ pihwan ba tanka. Sakuna mairinkum upla mita witinra kulkanka yabras kataba nanara witinku tawan uplika sut bribalan kata Jisas ra walbia dukiara. Minitkara witin ingnikaba brihwan aiuplika wala nanira.

"Naha mairkara sipsa kaikaia rait aihwa kasak lalukra kum baku. Jisas nina blablikra kumi baniba witin misaniry warkka dadaukra kaiasa. Raiakaia laya di uplikaba witin aiwinaba raiaka laya karma kaiasa. Ya briba witin mita aiwalkara yabaiasa. Dawan tingkika lakaba wan solkara iwisa pyuara li karma kum bakusa twilawanra, bahawina sipsa diran dauki naniba diaia"— *The Desire of Ages, p. 195.*

- b. Naiwa yawan nahki sin baku daukaiasa? *Smasmalkra 11:6.*

"Yawan nitapiasa biara kuntrira waia misaniry warkka daukaia. Wan lamakir upla ailal barasa 'insla mâ pihwan baku ridisa krikaia', yawan sipsa saumuk mâ ba wahbi briaia bankaia raiaka dukiara'. Kristian ailalra Dawan winisa srinwanman diara daukras naniba rawi buiwabia kan ai naslara warktakra ailal nitsa. Ao, trabil bara kabiara sin lukaia apia."— *Testimonies for the Church, vol. 5, p. 187.*

**MAKABANKA LUAN NANI BA LAKI KAIKS**

1. Samaritan mairka dia daukan Jisas ra Mesaia baku brin pyuara?
2. Insla mâ pat pihwan dukiara aisiba dia tankasa?
3. Yu an Jisas Samaria tawankara takaskan?
4. Samaritan uplika nani dia wedniska aisan Jisas dukiara?
5. Upla kum airaiakara Jisas brisuya taim witin dia daukisa?

JISAS AN KING WARKKA TATAKRA

"Witin karnakiraba sipsa diarasut ailal daukaia yawan makabi an tanka pliki dukia naniba, aikarnika yawanra wark takiba, witinkara mayunra yaban kabia Dawan sertskara pyua nanisutra, bankaiara an bankaiara. Amen." *Epesu 3:20,21.*

"Yawan kaiki ar wandara waliba mita apia kasak lukaia Dawan wan waliba. Witin aipramiskara kasak lukaia. Kasak lukiwal witinra aula pyuara wankupiarra dia makabanka baraba Dawanra wiaia. Witin aiblingka makabi pyuara, yawan kasak lukaia witin wankbia. An tingki wiaia wankan ninkara. Bawina wan warkka wankanba daukaia surkaia blising bribia."— *The Desire of Ages*, p. 200.

Kau aisikaikaia: *Testimonies for the Church*, vol. 9, pp. 107, 108, 164–166.

Sandi**Kakamuk kati 2**Baibil aisikaikaia ba: *Klismalkanka 5-7***1. UPLARA YARKA WAN WALAIA**

- a. **Jisas samariara yu wal kan wina anira wan, baha sturka walanra ya uba pain lukan?** *Jan 4:43–46.*

"Jisas kli Galalira balan sturkaba tawan aiska istipali nutakan, upla siknis nani bilakaikanka brikan ai sikniska wina rawaia. Kapernaum ra lika king warkka tatakra kanba witin sturi yamni baku walan."— *The Desire of Ages*, p. 196.

- b. **Diakan king warkka tatakra Jisas kaikaia balan?** *Jan 4:47.*

"King warkka tatakra kum luhpiaba siknis palikan sika kumisin sip apiakan rakaia, daktar nani sip witinra help munraskan an ban lukikan baku prubia; sakuna tuktika aisika walan Jisas upla rakiba sturka, bara witin traikaikan help makabaia."— *Ibid.*, p. 197.



2. NAMHPARA LUKAN SAINKA

- a. **Aisas nahki Jisas param sakan king warkka tatakra kupia wihrika ailuhpia rakbia dukiara Kapernaun ra?** *Jan 4:48.*
-
-

"King warkka tatakra luhipiaba swapankan bara aisika sibrikan witin kli baltaubiakat pat pruankra kabia, ban lukan witin pali wabia Jisas ra makabaia. Aisa kum purasunraba sipkabia Jisas walaia.

"Jisas, Kenan ra balan pyuara, upla kwara tarakum witinra kutbi brikan. King warkka dadaukraba witin ban upla tilak Jisas kat wan. Jisas kwalka dimraba umpiraba kaikan pyuara ban namhpara lukan. Witin kasak lukraskan Jisas sipkabia diarakum daukaia ailuhpia helpkara, sakuna Jisas mawankat balan an makaban witinwal aiwatlara wabia, Jisas pat nukun waiknika kupia wihrika tanka.

"Jisas kaikan tuktan sikniskira aisika trabil brikanba ailukankara, sip aiskasut kasak lukraskanba tanka. Witin makabankaba help munras swibiaasa kaka Mesaia baku bribia apia.

"Diarasut kler kaikikan Jisas ba Mesaiaaba tanka, sakuna naha king warkka tatakra witin wantkan ailuhpia siknisbara rakbia."— *The Desire of Ages*, pp. 197, 198.

- b. **Yawan sain kum plikisa pyuara dia wan kupia krauki kaiasa?** *Matyu 12:38, 39.*
-
-

"Jisas aima manasra aiswira baku brikan aiuplika nani palira heven ingnika tara yabankan naniba mita witin aibila walras an kasak sin lukras kanba dukiara."— *Ibid.*, p. 198.

"Jû nani sain kum makabikan Jisas witinba Mesaiasa kaka marikbia. Sakuna pana tawi Jisas nan wisata: Sain kumisin maikbia apia. "Spirit Holikira mita baman upla sinskara yaka ingni takan kabia bara aitanka bribia Dawan bila aisanka nani patitara wina ulban dukia naniba. Dawan bilaba lika smalkanka pruanikum baku man apia, witin lika raiasa Spirit Holikira mita wan sinskara yaban bal takaskisa. Bara diara tihura naniba wankan tanka kasak brisa"— *Selected Messages*, bk. 2, p. 95.



3. DAUKANKA PANA MAPARA

- a. **Aisas nahki Jû an Samaritan uplika naniwal lukan satwala brikan Jisas, Mesaia ba tanka?** *Mark 6:2–6; Jan 4:40–42.*

"Parisi nani brindaukikan prub munaia Jisas ba uplara kunin mamunra kum baku. Bara witin nani aman watchs takikan Jisas aisanka nanira wahra tnatkara daukaia wantkan. Aiproutka laka, uba tarapulanka brikanba mita Jisas aisanka naniba saura wali banhwikan. Jisas mita Jû nanira kiama aubi wisata warkkam naniba wal marikisma setan luhpia baku, jû ka nani tawi nan wisata man lika dibil brisma." — *Selected Messages, bk. 1, p. 70.*

"Jisas param marikan Jû nani kasak lukrasba sakuna Samaritan nani lika witinra kasak lukan an sain kumisin makabraskan. Jisas aisanka sturka naniba latankan uplawina apiakanba tanka kan karnika tarawal upla kupia karnaba krikikan." — *The Desire of Ages, p. 198.*

"Ao, Jisas witin jû kan, sakuna samaritan uplika wal trabil apu aisikan, parisi an jû nani mita bahki kulkikan uplika nanira. Witin nani aikuki aiwatlara yapan an aitibilkara plun pin an yabalra smalkan." — *The Acts of the Apostles, p. 19.*

- b. **Aisas nahki kau Jisas balras kainawina prapit kuninkira nani barakanba dukiara** *Jirimaya 20:8–11.*

"Parisi nani mita Jisas dusa kuhban sturka naniba sut kunin bamankan. Sin baku Steven an Pal mapara daukanba sinbaku. Sakuna naha kuninkara upla ailal kasak lukan setan suliarika nani kanba. Witin nani plikisa sturi kunin wal praki Dawan uplika nani purara trabil bribalaia.

"Upla sinska setan mita kuntrul muni naniba witin nani diran dauki baku plikisa nahki muni aikuninka lakawal kristian nani purara rausauhkanka an taibi munanka bribalaia. Aima manas Jisas ra pat mihtara mankaia plikikan nani bila prakana sakuna kauban witin nani tnatka plikikan kunin daukiwal." — *Selected Messages, bk. 1, pp. 70, 71.*



4. MAKABANKA KUM BAWIKIRA

- a. **King warkka tatakra kasak lukanra nahki kli Jisas ra makaban?** *Jan 4:49.*
-

"Ingnika kum baku Jisas aisankaba paramra sakan king warkka dadaukra kupiara kanba. Witin nanara aidarawalan ai kasakka lukan lakaba bahkikanba. Aikupia wihrikara aitanka brin witin namhpara lukiba taka sipa ailuhpia pruaia. Witin nukun Jisas sipba wan lukanka sut nutakaia, an witin aimapara diara kumisin sipapia apuba... nanara aikasakka laka Jisas ra lukan Jakob kataba baku, ensal wal aiklabikan pyuara wisata: 'Mai swimna apia blis aimunrasma kaka' *Blasi sturka 32:26*"— *The Desire of Ages*, p. 198.

- b. **Jisas, king warkka tatakra watlara waia pliskara dia daukan, yawan baha wina dia lantakisa?** *Jan 4:50)*
-

"Jisas kau diara tarakum yabaia lika apukan. Sakuna brin daukikan tuktanba rakaia an king warkka tatakra watlabila sutra swaki sakan laka blisingka yabaia, baku Kapernaum ra ingnika kum bapaia, pyu kunhkura witin bara warktakaia waiakan bamna. Sakuna king warkka tatakra witin nitkan nutakaia Jisas tingkika lakaba tanka. Naha sat waiknika lika upla ailal lukankawal bakusa. Ao, Jisas ra pliki balan sakuna selp aiyamnika dukiara. Waiknikana brin daukikan Jisas aikarnikawal helpmunbia ailuhpia signiskawina rakaia, sakuna heven tingkika laka lika aitanka briraskan.

"Jisas sip uplakum witinra pliki balanba ban lulki swiras, nitkaba kaikisa. Jisas mita wisata: 'Was'; 'luhpam painsa'. King warkka tatakra tawi mahka aiwatlara balan lilia an aikupiara saplakawal. Ai luhpia rawbia dukiara baman lika apia sakuna Jisas ra Sasakra baku kasak lukan."— *Ibid.*, pp. 198, 199.

"Yawan sut brinwandaukisa isti Dawan ansa munbia wanpura sunraba, ban swapni takisa minitkara ansakum briras pyuara. Sakuna Dawan lika sinskira palisa bara witin nusa dia taim wanpura sunra ansika wankaiaba."— *The Ministry of Healing*, pp. 230, 231.

**5. RAKAN AN SWAKISAKAN**

- a. **Nahki tnatkara Jisas mita king warkka tatakra luhpiara rakan?** *Jan 4:51-53. Dia wankupia kraukisa?* *Epesu 3:20,21.*

"King warkka tatakra rait kasak lukanra, Jisas mita tawi wisata: 'Luhpiam raiasa', Dawan latwanka mita rakan."— *The Desire of Ages*, p. 199.

"Kapernaun tawankara tuktan siknis lamarakan naniba kaikan isti satwala takan. Prura distika witin wina plapan. Rihkaba pain takan nakra ingni painkan, wina aiska swapnikataba nanara painkan. Siknis yuika kumsin winara apukan, bara aiwinka puhbanwan ninkara painkira yapan. Tuktan pamalika aiska uba lilia takan an ta iwan kata."— *Ibid.*

- b. **Uplakum Jisas ra help makabisa pyuara nahki ansa munisa?** *Matyu 11:28-30.*

"Jisas, sip uplakumra lulki swiras witinra pliki balanba ai trabilka tara tilara. ."— *Manuscript Releases*, tomo 14, p. 161.

"Bankra man damra walisma uba saurakira bara sip Dawan wina blising maikbia apia? Kupiam kraukibas Jisas balan witin upla saurakira swaki sakaia dukiara. Upla kumi mita sip wan painka dukiara Jisas ra aisaiaba apusa; sakuna wan nitka taraba mita wan nikbisa bara wanminara bui Jisas ra plikisa. Selp wankarnikara lika kaikaia apia Jisas wark tara wan helpkara daukanbara kasak lukaiasa.

"Mihti bilara lahla praiska kum lika bribalras sakuna man dusam prihnira kasak lukisna."— *The Ministry of Healing*, p. 65.

**MAKABANKA LUAN NANI BA LAKI KAIKS**

1. Diakan prapit nanira yamni balanka yabras selp aikuntrikara?
2. King warkka tatakra nahki marikan witin kasak lukraskanba?
3. Jisas dia daukan tawan uplika nani witinra kasak lukrasba?
4. Yâ nani kau Jisas ra kasak lukan, Jû ar gentail nani ?
5. Dia Jisas pramis munisa witin aiwinankara wali nanisutra?

**JISAS AN BETESDA RA WAKIA LAWAN**

"Jisas naku ansa munan: Aisiki kau nanarakat wark takisa, an yang sin baku." *Jan 5:17.*

"Upla sikniskira sabat yuara Jisas mita rakanba lika Dawan Lâ ka wal aslasa. ."— *The Desire of Ages*, p. 207.

Kau aisikaikaia: *Testimonies for the Church*, vol. 1, pp. 560–567.

Sandi**Kakamuk kati, 9**Baibil aisikaikaia ba: *Klismalkanka* 28**1. RARAKRA LAYA**

a. **Dia muni sikniskira ailal Jerusalem ra balikan?** *Jan 5:2, 3.*

b. **Upla nani diaura kasak lukikan Betesda layara?** *Jan 5:4.*

"Mani bilara aima kumra betesda layaba nikwikan, upla nani kasak lukikan baha lika Dawan karnika mita daukisa, bara ya uplika pas liura dimbiaba witin ai sikniska diasat kabiasin bahawina rawikan. Upla sikniskira dusakum pura wala (100+) ailal pali barakan ya kau karnaba pas dimikan, bara upla almuk tuktan an skahwa nani ban bara bila kaiki pyu wihkara takaskikan, sikniskira nani manas ban bahakat pruan pamalika nani saki raitira brihwikan. Bara layaba lamakir utla lupia nani paski bahara lapta an li auhi ba wina yukwi banhwikan, tihmiasin bahara yapiakawikan, bilakaikanka tara brikan yukum aisikniska naniwina rawaia."— *The Desire of Ages*, p. 201.

c. **Nahki Jisas an waikna sikniskira kumwal prawan betesda ra?** *Jan 5:5-7.*



2. WAKIA LAWAN SAT SAT

- a. **Jisas mita waikna wakia lawanra dia daukbia wisata?** *Jan 5:8, 9.*

"Jisas mita waikna wakia lawanra wiraskan witinra kasak lukbia. Sakuna nan wisata: 'Bus, kwalkam brih mahka was'. Waiknika kasak lukan Jisas bilara. Ai wakia karna takan kataba slakwan kainara baku pain aidarawalan kata. Kausin minitkum takaskras Jisas bilakat walan, traikaikan buwaia an pali kwastit buan kata. Nanara aidara walan upla raiakum baku."— *Patriarcas y Profetas, pág. 82.*

"Waikna wakia lawanra Jisas mita diarakumisin wiraskan witinra rakaiba tanka. Waiknika sipkan ban namhpara lukaia an baku witin lustiwaiakan. Sakuna Jisas bilawalan an traikaikan buwaia an karnika brin aiminara buwaia."— *The Desire of Ages, pp. 202, 203.*

- b. **Jisas wina laiura uplika nahkisa spirit lainkara?** *Aiseya 1:5, 6; Roman 7:24.*

"Saurka taka Dawan wina wihkara yawan takan. Wan solkaba wakiaba lawan. Selp wan karnikawal lika sipapiasa holi lakara iwaia an wapaia. Upla ailal ao, traikaikisa selp aikarnikawal Dawan wal asla takaia sakuna las aidara walisa witin sipapiaba tanka."— *Ibid., p. 203.*

- c. **Spiritra siknis naniba nahki sipsa rawaia?** *Sturka nani 9:34.*

"Jisas aitalia manatarani atki wansakanba mita latwan pali wankaikisa: wan makabi walisa: wantsma ki rawaia? Wan wisa minamra bus winam tara an sinskam saunka yamnika bris. Bila kaikpara winam klahwanka dasna takbia kat lika buwaia. Jisas bilara kasak luks, an man kaikma nahki solkam sikniskawina rauram kabiaba. Nahki sat daukankam, aisankam naniba mita mai taibi an maiwilki brikabiasin Jisas karnika brisa bahasut wina mai lanhki primaisakaia. Pruram baku smaba witin raiaka maikbia. Setan albika lakawina primaisakbia an heven suliarka tilara yamnibalanka maikbia"— *Ibid.*

3. RAIKA RAIARA TAWAUKAIA

a. Jisas nahki help wankisa saurka puraluwaia? *Epesu 2:1-6.*

"Waikna kum aikupia lakrasba witin setan bilawalisa sin albakum baku, an sip bahawina dakwi takras Jisas karnikawal baman sipsa albika lakawina prisakaia. Jisas wark tara dusprignira daukanba taka nanara upla sut sipsa setan albika lakawina lanhwi pritakaia. Setan baha pain nusa bara uplara yaban Jisas winankabara walras, balbiakra sia. Upla umpirakum witin Jisas ra winisa pyuara karnika yabisa an sinslaka yabisa setan kuninka lakaba nutakaia an puraluwaiasin" — *Testimonies for the Church, vol. 1, p. 341.*

"Jisas wina yawan lantakaiasa. Aidaukanka, aiwapanka nanisut nahkikanba tasbarakan pyuara. Yawan upla kumi bani sipsa dia Jisas kanba baku takaia, kau tasbaranawina, saurka sutwina dakwi takan kaiasa heven suliaraka baku. Ao, yakan wan karnikawal lika apia sakuna Spirit Holikira yawanra iwiba mita sipkabia.

"Spirit Holikira wan tabrisa pyuara, wan daukanka almuk taski an wahra naniba sut sauhki tikisa, nanara wan daukanka nanisutba klin, wapni an holi lakara baman iwisa. Jisas wan raiakara iwisa yu banira an awar banira, bara wal asla wark takisa saurka mapara aiklabi pura luwaia. Apostel Pal aisan baku nanara yangra Jisas iwisa bara brinki almuk nanira sut pruri takrisa." — *The Review and Herald, April 24, 1900.*

b. Jisas karnika mita nahki prilaka wankisa? *Roman 8:3-6.*

"Tuktan kumi bani witin raiasa tasba aisika mita witinra plun dakakiba mita. Yawan Dawan luhpiasa kaka. Jisas raiakaba wankupia iwikaiasa wan aisanka wan daukanka nanisutra marikan kaiasa. 2 *Korint 4:11.* Baha raiaka taka wan daukanka nanisutba klin, kasak, holi lakara wan brihwan kaiasa. Bara uplaba sipkabia Dawan Lâ ka holikiraba bilawali daukaia. Kau wan iwanka an wan tnatka almuk naniba sut swaiasa, heven dukia nanira latwan kaikaia an nina blikaiasa." — *The Review and Herald, April 24, 1900.*



4. PARISI NANI KUPIA BAIWANKA

- a. **Parisi nani dia muni praut takan waikna sikniskira ra Jisas mita rakan pyuara?** *Jan 5:9, 10.*
-

"Waikna sikniskira wakia lawankanra Jisas mita rakanba aiwatlara auyakan, Dawan ra mayunra yabikan kli witinra rakanba dukiara, yabalra parisi naniwal prawan, bara aisturka wisata nahki Jisas mita rakanba. Ta iwan kan sturkaba parisi nani mita pain walraskan.

"Praut lakawal aimawan sauhki wisata, diakan sabat yuara ai tuanka twilkisa. Lawidauki win aitani apiasa sabat yuara aikarbanka twilkaia. Waiknika uba liliakan bara auyatiwan sabat yuakanba; sakuna Dawan karnika brian waiknika adar yaban baku daukbia. Sibiraskira naku wisata: 'Yangra airakan waiknika mita aiwin: 'tuankam brih mahka was'. Makabi walan yâ uplika mita witinra rakanba, sakuna waiknika nuapiakan Jisas kanba. Parisi nani pain nukun Jisas baman sipkan baha daukaia. Sakuna witin nani plikikan prubmunaia an baku patmihtara mankaia sabat krakrira baku. Parisi nani aisikan, Jisas ba sabat krian baman apia, waiknara rakanba sakuna kli bapurkara adar yaban aitwanka brih wabia."— *The Desire of Ages*, pp. 203, 204.

- b. **Jû nani mita sabat yuara dia daukan?** *Matyu 23:4.*
-

"Jû nani mita Dawan Lâ kara wahra daukan an alba laka baku karbanka wihra daukan. Nesan wala nani yamni kaikraskan bahasat daukanka yabiba dukiara. Kau pali lika sabat yuara daukaia apia dukia nani wisi diara ailal prakankan ban tankas Dawan aisanka wina saitrakan. Sabat yuaba lilia an Dawan ra mayunraskan. Kan parisi nani mita karbanka wihra kum baku daukankan. Sabat yuara pauta mukraskan kiandil sirpikumsin apia. Ba taka Jû ailal gentail nani helpka nitkan aiwarkka nani daukaia kan witin nani sip daukras kanba mita. Jû nani lukikan swak sakan lakaba witin nani baman aidukia gentail nani lika apia, bara witin nani sabat yuara sip daukras dukia naniba gentail nanira yusmunikan daukaia."— *The Desire of Ages*, pp. 204.

**5. SABAT YUABA DIA MUNI DAUKAN**

- a. **Jisas smalkankaba nahki aslakan Lâ an Sabat wal?** *Aiseya 42:21.*
-

"Jisas tasbara balan ai Lâ kaba tara an kulkanka kasak yabaia, mayara batakaia lika apia sakuna purara bukaia. An Jû nani mita karbanka wihra daukankanba wina prisakaia an blesing kaia kataba pliskara latuban daukanba mita."— *The Desire of Ages, p. 206.*

- b. **Sabat yuara dia sipsa daukaia an daukaia apia?** *Impakan sturka 20:8–11.*
-

"Betesda laya unra Jisas wahbi sakan waikna kau siknisba, witin airaiakara marikan aikarnika briba, an adar yaban ai twanka twilki brihwabia tawan lilapasku upla nani sut kaikbia waiknika nahki rawankanba. Nahawal Jisas marikaia wantkan sabat yuara diara yamni daukaia aitaniba, an Jû nani lakaba bahki kulkaia dukiara.

"Jisas wisata: uplara helpmunaiaba lika sabat yuawal aslasa. Dawan ensalka nani heven wina baliwiba uplara helpmunaia dukiara.

"Yawan upla bani sipsa naha yuara wan walkara helpmunaia, sikniskira nania mainkaikaia. Sabat ba upla helpkara daukan, Dawan brindaukras minit kumirasin sikniskira naniba panis brikabia sabat yua bara sip helpmunras wisi. Smalkaia an wan walkara helpmunaia warkkabawal lika asla palisa sip dakbi sakras kumi wala wal."— *The Desire of Ages, p. 206,207.*

**MAKABANKA LUAN NANI BA LAKI KAIKS**

1. Betesda laya dukiara upla nani nahki kasak lukikan?
2. Dia dukia palira Jisas aisinska bahara mankan?
3. Nahki yawan sipsa wan spiritka sikniskawina rawaia?
4. Dia pali dukiara Jû nani uba aikupia baikan?
5. Dia sat warkka sabat yuara daukaia yamnisa?



LUHPIA KARNIKA BRIBA

"Dawan Aisa witin lika raiaka selp brisa, bakusin ailuhpiara yaban raiaka selp brikaia; an karnikasin yaban la daukaia, kan witin upla takanba mita." (Jan 5:26,27)

"Jisas wisata, yang karnika brisnaba wark nani Aisiki aiblikanba daukaia yang lika luhpiasna bamna, witinwal kumisna, daukanki an lukankira sin baku. Paskaia dukia nanira an ban alki brikaia dukia nanira sin baku."— *The Desire of Ages*, p. 208.

Kau aisikaikaia: *Thoughts From the Mount of Blessing*, pp. 123–129.

Sandi

Kakamuk kati, 16



Baibil aisikaikaia ba: *Jashua 11-13*

1. DAWAN AISA WAL KUMI

- a. **Dia mata Jû nani mita Jisas ra misbara kaikikan. Upla siknis sabat ra rakan wisi an dia wala?** *Jan 5:17, 18.*

"Jisas aisan witin Dawan Aisawal sin raitka brisa.

"Jû uplika nanisut mita Dawan ra Aisa wikan, ba mita aikupia baikiaia nitapiakan Jisas witin Dawan Aisawal aslasa dukiara aisan pyuara. Sakuna Jû nani mita Jisas ra dusa kuhban Dawan mapara taski aisisa wisi an Dawan wal witin kau tara aisisa wisi kunin daukan."— *The Desire of Ages*, pp. 207, 208.

- b. **Nahki Jisas mita Dawan Lâ ka raitba marikan, upla laka purkara?** *Matyu 15:1–9, 13.*

"Parisi nani Jisas maparakanba tnatka kumira sin sipapiakan raitba kat aisiwal Jisas mapara buwaia. Bara parisi nani selp ailaka paskan nanibawal lika dusa kuhbaia sipkan. Jisas mita aima manasra parisi nanira bila prakan kan Dawan bilakat aisikanba mita."— *The Desire of Ages*, pp. 208.

2. DAWAN AISAWAL KUMI

a. Nahki Jisas aisan Dawan Aisawal aslaba tanka? *Jan 5:19, 20.*

b. Jisas nahki aisan Dawan Aisa karnika briba baku witin sin briba dukiara? *Jan 5:21–23.*

"Jû an parisi naniba wihta baku aimakan Jisas warkka mapara buwaia an patra lakaia, sakuna Jisas lika tasba aiska wihtika kan. Tasba aiskana Jisas mita paskan an saurkara kahwanba taka pliki an swaki sakaia balan. Jisas lika upla swaki Sasakra pat aimakan kata kau tasbara balras kainawina. Adam an Ev wal saurkara kahwan taim pat Jisas barakan swaki Sasakra kum baku. Witin mita raiaka an ingnikaba sin diarasutra yabisa. An ingnika yabanba bakat laka aisidaukan kabiasa. Jisas mita ingnika yayakra baku upla kumi bani kupiara waraktakisa yaka saurkaba swisi holi lakara balbia dukiara, aiwinara wark wal brisa layar an wihta."— *The Desire of Ages*, p. 210.

c. Jisas ba wan wihtikaba nutakisa pyuara nahki wan daukanka satwala takisa? *Roman 2:1–3; Matyu 7:1.*

"Dusa kakuhra tilara dimi uplikaba aipurara saurka kau ailal bribalisa, kan witin tabaikisa baha saurka bri uplikara, baku lika aipurara aimawal taim kau patbrisa.

"Jisas baman sipsa kasakka lakakat upla laka aisidaukaia, yawan upla lika sipapiasa Jisas pliskara aimakaia. Dawan Aisa mita ai luhpia mihtara mankansa tasba laka aisidaukaiaba. *Jan 5:22.* Ya aiwalka laka aisi daukisa kaka Jisas warkkaba briaia traikaikisa an witin nani lika setan suliaraksa."— *Thoughts From the Mount of Blessing*, pp. 125, 126.

"Yawan upla kupia sip aisikaikras. Kan yawan nanisin saurakirasa aitani praiskat apiasa wan walka laka aisi daukaia. Yawan wan nakrara kaikiba lika nusa sakuna sip apiasa upla kupiaba aisikaikaia"— *Thoughts From the Mount of Blessing*, pp. 124.

3. SIBRIN LUHA IWAIA

a. Jisas mita nahki sibrin luha spiritka wankisa? *Jan 5:24.*

"Dawan Lâ ka an ai pramiska nani aibilak wankan kumi banira karnika barasa, Jisas pali raiaka, bamita Dawan Lâ ka ba aimakan kabiasa pramiska nani daukibara. Ani uplika kasak luki Dawan bilara iwiba raiaka brisa an Dawan daukankaba sin." — *Christ's Object Lessons, p. 38.*

"Jisas warktara dusprignira daukanba taka upla saurka naniba sutwina sipa padin laka yabaia. Kan witinka lika saurka kumisin daukraskan ba mita. Jisas kasakka lakaba saurakira witinra aula nanira yabisa an uplasut mawanra marikisa kasakkira baku. Upla wan saurka naniba Jisas ra kahbisa, witin sika wan pliskara pruanba. Naha lika ya witinra kasak luki naniba. Kasak lukras nani dukiara nara aisaras. Witinka saurka daukraskan sakuna yawan wan saurka kataba witin twilkan. *2 Korint 5:21.*

"Ao, yawan upla kumi bani lika saurka patkara wan kahbansa, sakuna Jisas, witin Dawan Lâ ka bilawalanba taka upla kumi bani aikupia lakan nanibara witin aikasakka laka yabisa. An Spirit Holikira mita wankan wan saurka taskikaba nutakisa bara wankupia lakisa an paskanka raiakum wandaukisa wan sinska lukra nanisut an wan daukanka sinbaku. Jisas wan raiakara iwisa kaka lika sipa wan kupiaba satwala daukaia yakan wankarnikawal lika yawan sipapiasa. Witin baman sika saurka mapara aiklabi puraluan bara kulkanka tara brin tasba aiska mawanra." — *Selected Messages, bk. 1, pp. 392, 393.*

b. Jisas dia daukaia sipkan Dawan baku? *Jan 5:25–29.*

"Jisas lika upla yawan baku traika kaikanka naniba sut puraluwan bara wan swapnika naniba nusa an traika kaikanka nani nahki puraluwaiaba sin nusa. Setan mita witinra batakaia traikaikan sakuna sipapiakan. Nanara Dawan Aisa mita witin ai mihtara swinsa upla laka aisi daukaiaba kan upla tanka kau pain nuba lika Jisas. Traika sut puraluwanba mita wan tanka brisa an sipa wan helpkara aisaia." — *The Desire of Ages, p. 210.*

"Jisas ra karnika yabansa uplasutra raiaka yaban kaia." — *Selected Messages, bk. 1, p. 249.*



4. BAIBIL AISKARA JISAS DUKIARA AISISA

a. **Jû nani kasak lukrasba dukiara Jisas dia aisan?** *Jan 5:37, 38.*

"Jisas, witin wiraskan yang mistik takri padin aimuns yang daukanki ar smalkanki nani aitani apiakanba man nani namkrara, baku wiaia watlikara kauni parisi nani maparakan an witin nani diara wahra daukiba kler sakikan. Kiama aubi wisata aikupia karna briba an Dawan bila tanka brirasba an heven wina blikan nanira brirasba taka pat ailalra lakankabia." — *The Desire of Ages*, p. 211.

b. **Diakan Jû nani sip Baibil aitanka briraskan?** *Jan 5:39, 40.*

"Testament Almukra ulbanka nanisutra kler param marikisa ingnika tara painkira kum baku Jisas balaiakanba dukiara aisisa. Ship iki sakripais daukaia warkka naniba marikikan distika kum baku Mesaia tasbara Dawan mita blikaikanba dukiara. Prapit nani ulbanka sutra Jisas dukiara aisisa. *Sturka nani 10:43.* Adam ra pramis munataba wina takrikisa Jisas Gad Sipka lupia tasbara balbiaba dukiara suaki Sasakra kum baku. Lalmawina sinskira nani kaikan Betlehemra slilma takanba, swaki Sasakra aisubitakan sainka, diara taura takaiakanba dukiara pat prapit nani aisankanba kumi an wala sut aimakan. Sakripais kiasmika nani uliwikanba, sutra marikikan.

"Dawan bila holikiraba Jû nanira yaban brian, sakuna witin nani lukikan purataia baman bribawal aitanisa sakuna bila lika walras an baharasin iuras. Jisas naku wisata: 'Dawan bilaba man nanira yabram iuras' Jisas ra bahki kulkan an aibilarasin baku. Yangra balaia want apiasma raiakaba briaia.

"Jû taka uplika nani stadi takankan prapit nani aisanka sut Mesaia balaiaba dukiara ulban naniba; "sakuna witin nani aikupia aiska rait aihwa lika daukraskan, des lukikan Dawan mita witin nanira wahbi sakan nesan wala nanisutwina hevenra brihwaia dukiara. Jisas balan sakuna Jû nani bilakaiki kanba baku apia, bara witinra briraskan, kauni mapara buan, dusakuhban rausauhkan an las dusprignira ikan. Jisasba kuninkira wikan tankaba lika witin nani ailaka kat waraskanba taka."— *Ibid.*, pp. 211, 212.



5. DAWAN MAWAN INGIKA

- a. **Diakan Jû nani Jisas maparakan an smasmalkra walara kasak lukibanwan?** Jan 5:41–44.

"Jisas naku wisata: 'Yang uplawina mayunra briras'. Jû ta uplika nani mita ao wibia bilakaikraskan. Witinra tara kulki yamni balanka yabiasin bila kaikraskan. Sakuna Dawan Aisa mita karnika Jisas ra yabankan. Jisas wantkan sat kata heven ensalka nani bal witinra mayunra yabaiakan; Dawan Aisa palimita Jû uplika tara nanira wiaiaikan Jisasba witin mita hevenwina blikan balan bara yamni balanka yabia dukiara.

"Yang lika Dawan Aisa ninara balrina, an man nani aibriras; upla wala selp aininara balbia lika brima. Jisas balan Dawan Aisa karnikawal, diarasut winbakat daukaia; sakuna jû uplika nani mita briraskan tankaba lika witin nani aismalkanka kat waraskanba mita. Jisas lika prapit nani ulbanka kaina manas aisankakat balan, jû nani bilakaikanka kat lika apia. Dia muni? Ani uplika selp aimayunra plikisa kaka witin tarapulanka brindaukisa. Jû nani smalkanka an kasak lukanka naniba Baibil wal waraskan selp aimayunra pliki banhwikan. Jisas smalkanka lika satwalakan Baibil dia aisanba bawal wikan. Bahamita ju nani mitaJisas maparakan." — *Ibid.*, p. 355.

"Naiwa yawan wan yuara sin baku apiasa ki? Serts ta uplika ailal Dawan Spiritka Holikira maparasa aikupia karna daukisa, Dawan bila aisanka kat waras selp ailukanka an upla smalkanka nani lika nina blikisa." — *The Desire of Ages*, pp. 212, 213.



MAKABANKA LUAN NANI BA LAKI KAIKS

1. Dia karnika an raitka Jisas yaban kli pliskara mankan?
2. Patitara wina nahki Dawan Aisa an Jisas wal aslasa?
3. Nahki Jisas raiaka lakaba witin brisa?
4. Jan 5: 39 ba tanka aisas?
5. Jû nani mita Jisas ra Mesaia baku briraskan taka dia takan?

**JISAS UPLA KWARARA PLUN DADAKAN**

"Bansakuna Jisas naku wisata: Upla naniba swirka aiwatlara wabiara; man nani mita plun yas." *Matyu 14:16.*

"Aima manasra, yawan wilin apiasa wandukia nani briba wan walkara yabaia, an upla wala helpkara diarakum daukaia. Sakuna Jisas mita adar wankansa: 'Walkam nanira plun yas'. Baha lika adar kum an pramis kumsa."— *The Desire of Ages, p. 369.*

Kau aisikaikaia: *Testimonies for the Church, vol. 6, pp. 341–348.*

Sandi**Kakamuk kati, 23**Baibil aisikaikaia ba: *Wihta nani 6-7***1. SOL NANI PLUN DAUKIBA**

- a. **Galali kabuka bailawala luanra yâ nanisin Jisas kulma wan?**
Jan 6:1, 2.

"Upla smalki danhtakan ninkara Jisas aidisaipilka aikuki pliskum saitra tawan, ban lukikan minitkum risbriaia wisi, sakuna upla kwaraba pat nutakan bara Jisas nina bliki bahara balan, manas lika tasbak wapi lakunba raun tawan, wala nani lika durira aimaki dairikwan kata. Ensal luan yuaba pat bailakan kuntriwala nani wina upla ailal Jerusalenra balikan Jisas ra kaikaia, kan witin nani Jisas sturka wali banhwan bara brindaukikan kaikaia. Manas kasak lukikan Mesaia baku, wala nani lika baku apia. Bahara sika asla taki banhwankan 5000 tausin matsip pitka waikna baman, mairin an tuktan nani lika kulkraskan."— *The Desire of Ages, p. 364.*

- b. **Upla nani aslatakanba nahkikan spirit lainkara?** *Mark 6:34.*
-



2. WAN NITKA NANI PLIKAIA

- a. **Upla nani dia nitka brikan, Jisas nahki disaipil nani kasakka lakara prub munan?** *Jan 6:3–6.*

"Il plahpiawina Jisas kaikan upla ailal witinra balan kanba, bara witin nanira latwan kaikan. Ao Jisas wantkan ria risbriaia sakuna praut takraskan. Upla ailal witinra baliba kaikikan spirit nitka tara briba swaki sakan sturka yamni walaia, an Mesaia bakura kasak lukaia. Witin nanira latwan kaikan, sip lupia nani main kakaira apu baku yakawikan. Jisas witin risbrikanbawina buan upla naniwal prawaia. Uplika nani balankanba Jû priska nani helpka lika briraskan sakuna Jisas wina aisolka rakaia laya karmawal aibanhwan kata.

"Upla kwara taraba lilia palikan, sin kaikras kaka heven durkaba witin nanira kwawan baku aidarasin walraskan plun piaia.

"Danh pat yu tutnikan. Pat yu dimaia bailakan waupasara, sakuna uplaba ban apaswikan. Jisas yu aiska warktakan plun piras an ris sin briras. Swapan an plun pin daukikan. Disaipil nani mita makaban warkba swisi ria risbribia. Sakuna sip upla kwara taraba wina takiwaraskan.

"Jisas mita upla nanira smalkikan prilaka yabalka briaiaba an lilia lakasin baman lika apia sakuna nahki ai spiritka nitka aibanhwaiaba. Upla nanibasin swapankan, yapti manas ai klahlara ai luhpia twilkikan an aiminara buanbakat awar nani luwikan.

"Upla ailal lika plis wihkawina balankan, titan yu baiwanba wina plun piraskan. Tawan sirpi nani lika lamarakan bankra sipkan plun pliki bahara waia... sakuna Jisas wisata: 'Man nani mita plun yas pibia'. Bara tawi Pilip ra wisata aniwina yawan bred atki uplika nanina dadakbia. Naku aisan Pilip ra prub munaia.'— *The Desire of Ages*, pp. 364, 365.

- b. **Pilip dia aisan Jisas wisata pyuara?** *Juan 6:7.*

"Pilip, il wina witin tawi upla nanira kaikan sin kabu bakukan uplika lal naniba. Bara Jisas ra naku wisata: Mastar lahla dusawal (200) bred atkbiasin aitani apia kabia nahasat uplika nani sutra plun yaka mas pislupia pan piaia."— *Ibid.*

3. DIA DUKIA LIKA BARAKAN

- a. **Andres mita Jisas ra dia sturka win, dia adarka yaban disaipil nanira?** *Jan 6:8–10.*

"Jisas mita makabiwalan upla ailalba tilara ya uplika plun rialupia pan brisaki. Andres mita wisata: nahara tuktan kum lika bred matsip an inska sirpilupia wal brisa; kuna diasas upla ailal dakakaia? Jisas win bribal. Ninkara disaipil nanira win upla naniba twiura yas iubia. Dakni banira upla 100 ar 50 pitka adarkat kabia an sipkabia tukin tara Jisas daukaia ba kaikaia." — *The Desire of Ages*, p. 365.

- b. **Jisas dia daukan plun ailal daukaia, dia lisinka yawan lantakisa bahawina?** *Matyu 14:19; Mark 6:37–41; Jan 6:11.*

"Jisas traikaikras kan upla nanira lahlakira pata baku yabaia. Sakuna upla umpira pata dakakan kata. Upla ailalba swapan an plunpin daukikan yu aiska luanba mita. Bara upla nani naha pata pisata pyuara aikupia pahtakan kata. Jisas mita ainina blablikra nanira pramis munras tasba dukia ailal yabaia; sakuna wan yua pata aima yumhpa yu aiska bilara lika wankisa umpira nani plun piba baku. An diara kau taraba lika aimawan ingnika yawan naniwal bankabia pramiska wankansa." — *The Ministry of Healing*, pp. 47, 48.

"Naha tukinka tara lika Dawan Aisa mita Jisas ra yaban; Jisas mita tawi disaipil nanira yaban, witin nani tawi upla dakni daknira iwikan ra yaban kata. Disaipil naniba Jisas an upla kwara tara lila pasra bukan. Nahara wan marikisa Jisas witinra ya iwisa kaka raiaka bredka wankaia wilinba tanka." — *Ibid.*, p. 49.

- c. **Nahki wankupia kraukisa rait aihwa Dawan warkka daukaia ba?** *Aiseya 61:6.*

"Disaipil nani mita tuktan lupiakum bred matsip an inska sirpilupia wal brikanba Jisas ra bribalan; Jisas wiraskan witin nani pibia. Sakuna wisata upla kwara tarara yabia. Bara bredka an inskika lupiawal kau an kau ailal takan kata. Upla kwara taraba sut pin an kausin yuika ailal tawan" — *Ibid.*

**4. WAN KUKANKA SERMUNAIABA**

- a. **Upla kwarara plun dakakan ninkara dia adarka yaban, bahawina yawan dia lantakisa?** *Jan 6:12, 13.*

"Upla kwara tara sut plun pin aikupia pahtakan, kau plun yuika nani ailal barakanba wahban. Upla nani aiwatlarasin brihwaia wantkan aiuplika nani pibia Jisas blismunan bredkaba. Baku lika tawan sirpi nani ra brihwan kata." — *The Desire of Ages*, p. 368.

"Jisas mita adar yaban aidisaipilka nanira: 'Plun pin yuika naniba wahbaia, pis sirpi kumisin lulkaia apia'. *Jan 6:12.* Naha aisanka lika dis basketra mankaia dukiara baman apia. Tanka wal brikan. Diara sirpisin ban lulkaia apia. Wan taimka naniba bahkira yusmunaia apia. Wan uplika wala nanira sipba helpmunaia. Kaisa wahbaia wan watla bila nanira dia sipba wan uplika wala plun pin dauki nanira dakakaia. Sin tnatkara heven bredkaba wan kupiara brikaiaisa wan solka pata yabaia. Dawan bila aisanka kumi baniba raiaka wankaiasa. Diara sirpi kumisin ban swiaia apiasa kan sutba nitsa swaki sakan laka briaia dukiara." — *The Ministry of Healing*, p. 48.

- b. **Dia kristian daukanka kasak yawan lantakaia nitsa?** *Aiseya 58:6-8; 1 Pita 4:9.*

"Wan nitka kumi banira yawan Dawan helpka plikaiaba aitanisa witin lika blising ailal brisa wankaia.

"Upla umpira, nitka kaikisa pyuara wanwinakat makabi walisa: 'Yawan diara sirpi daukbiabawal dia helpka kabia wan walka umpira nanira tabaikaia an sipkabia ki ainitka naniba aitanikat yabaia? Yawan bilakaikaia apiasa upla walakum kau sinskira bahasat warkka daukaia tabribia. Jisas wanwisa: 'Man nani mita yas plun pibia'. Dia mihtamraba, taimkam, sinskam laka yus muns.

"Ban man mihtamra brismaba lika plun ria bamansa mebi upla kumira baman dakakaia aitani pitka, wel baha bribal Jisas mihtara manks bara man kaikma nahki witin ailal dauki upla kwara tara ailalra sipkabia dakakaia. Upla lahlakira nani pata baku lika apia, sakuna umpira baku lika piaia aitani kabiasa." — *Ibid.*, págs. 49, 50.

5. WAN PAPASKRA AN MAIN WAN KAKAIRA

- a. **Dia Dawan daukanka wan auyatikaia apiasa?** *Lawana nani 37:25, 26; Pilipai 4:19.*

"Dawan tingkika lakawal diara sirpi lupiaba aitani wanbiara banhkisa. Dawan ai mihta holikirawal karnika brisa diara sirpibawina ailal daukaia. Twi lawan bilara sipsa tibilkum plun wankaia. Wan pata rialupiaba witin sipsa ailal daukaia. Wan auya tikaia apiasa nahki bred matsip an inskalupia wal wina upla tausinra dakakanba.

"Jisas mita disaipil nanira wisata: 'Man nani mita upla kwarara plun yas pibia', pana ansa munata: 'nara yawan bred matsip an inska sirpi wal baman brisa; tawanra plun atkaia pliki wabia lika upla nanira dakakaia'. *Luk 9:13.* Naha pata sirpi lupia lika diasia upla ailalna pibia?

"Nahara lisin painkira kumsa Dawanra kasak luki nani sutra. Dawan mita warkkum wankisa pyuara, takaski lukaia apiasa nahki daukaiasa sapa. Sakuna wanminara bui wanwinba bilawali daukaia. Lukaia apiasa painkabia sa sapa ar aitanikabiasa sapa.

"Jisas talia holikirawal atki sakan naniba, ai kasakka lakara kau pawai nitsa. Diara ria briba dukiara saritakaia apiasa kan Dawan mihtara baha aitanisa witin sipsa ailal dauki wankaia. Purataia yawan kaiki dukia naniba sipsa uba rialupia baku kaia. Sakuna wanpura suni Dawanra makabiasa kaka witin karnika brisa bahawina ailal daukaia ai luhpia nani witinra kasak luki nani sut dukiara. Ba mita wark taki ban uba swapaia apiasa witinra bila kaikaia karnika an ai sinska laka wankbia dukiara." — *Prophets and Kings, pp. 241–243.*

MAKABANKA LUAN NANI BA LAKI KAIKS

1. Upla nani dia daukikan Jisas smalkanka walan pyuara?
2. Nahki Jisas mita upla nani plun daukikanba dakakan?
3. Jisas upla ailalra nahki adarkat brikan, bawina yawan dia lantakisa?
4. Walkira plun dakakamna aiwibia kaka dia kupira brikaiasna?
5. Aisas nahki Dawan man raiakamra nitkapram dukia maikanba?

Pas Sabat

Kalixsan ka



Siakwa katka 4
Skul an sika yabaia watla
Paraguay kuntrikara.

Wahia 4 ra kaiks

Kuswa kati 1

Prari, lisamra, tasba nikban
Mita sauhkan nani helpka

Wahia 25 ra kaiks



Kakamuk kati 1

Skul watla makaia
Helpka, Rumania ra

Wahia 25 ra kaiks